


# VHAHEVHERU, NDIMA YA U THOMA

 Huno u neya zwone—zwone zwiṭuku. . . Ndi elekanya uri a hu na tshithu tsha khwiṇe, kha nṇe, u fhira lone Ipfi. “Lutendo lu ḍa nga u pfa, nahone u pfa Ipfi ḷa Mudzimu.”

<sup>2</sup> Nga Maḷavhuraru, khaṇwe na nga Dziswondaha, inwe ya dzitshumelo ya Swondaha, u neya mufunzi vhuawelonyana, vhune o fanelwa ngaho, huno ndo elekanya uri khaṇwe ri ḍo tou ralo u dzhia Bugu kha Bivhili. Ro vha ri tshi anzela u ita nga u ralo, nahone tshinwe tshifhinga ra fhedza ṇwaha khayoy.

<sup>3</sup> Ndi a elelwa tshinwe tshifhinga ro fhedza ṇwaha woṭhe kha Bugu ya Nzumbululo. Fhedzi, oo, nṇe-nṇe, zwithu zwe ra guda, na uri zwo vha zwi zwavhuḍḍi hani! Zwenezwo ra humela murahu huno ra dzhena kha Bugu ya Daniele, kana Bugu ya Genesi, kana Ekisoda, huno ra sokou ralo u i dzhia, ndima nga ndima, huno ya sokou ṭumanya Bivhili yoṭhe. Oo, ndi tou funa izwo!

<sup>4</sup> Ho no fhela tshifhinganyana, ri ḍo tea u dzhena kha. . . Arali Murena a isa phanḍa na u fhaṭutshedza nahone ra ya phanḍa, ri ḍo dzhena kha zwithu zwo dzivhafhalaho ngomu hafha, zwo dzivhafhalaho nga maanḍa. Huno ri ḍo ya afho na afho, kha Luṇwalo, nazwo.

<sup>5</sup> Huno ndi takalela u ita uri Luṇwalo lu vhambedzeye na Luṇwalo. Izwo zwi tea u vha nga yeneyo nḍila. Zwi tou vha tshifanyiso tshithihi tshihulwane. Huno kha heyi Bugu ine ra khoy guda, ri khoy ya u dzhena ngomu, oo, u tshidzwa, na phodzo Khethwa, na maḍembe, na khahutshelo. Huno, oo, zwoṭhe zwi henefha.

<sup>6</sup> Huno khaṇwe ndi tshi swika fhethu hune nda tea u dzhena kha miṭangano. . . A thi ḍivhi uri ndi lini hune nda ḍo vha ndi khoy ya muṭanganoni, u vhidzwa muṭanganoni, ngauri a thi na zwinwe zwithu zwo dzudzanywaho u swika ndi tshi pfa ndi khoy rangwa phanḍa uri ndi ite tshinwe tshithu. Huno izwo zwi nga itea ḷi sa athu u tsha, ndi nga fhufha nda ya California, u gonya nṭha ngei Maine kana huṇwe fhethu-vho, henefho hune A ḍo mmbidza hone. Ndi ngazwo ndi sa dzuli nga maanḍa, madalo malapfu, ngauri izwo ndi nga si kone u zwi ita. Vhushumeli hanga a vhu ngo tumulwa nga iyo nḍila, nahone vhu tou vha ho fhambanaho.

<sup>7</sup> Huno zwino ndo vhuya hayani u tou itela vhuawelo vhuṭukunyana. Ndo xeelwa nga phaundu dza fumbili, kha hoyu muṭangano wo fhelaho. Huno Mukomana Mercier na Mukomana

Goad vho vha vha hone, a si kale, huno vha ri, “Mukomana Branham, ndi a limuwa zwine wa ita. U vheya mbilu yau yothe khazwo.”

<sup>8</sup> Nda ri, “Ndi yeneyo ndila i yothe ine ni nga ita mushumo wone ni tshi itela Murena, ndi u vheya zwothe zwine na vha nazwo phanda ni tshi itela Kristo; nungo dzaṅu dzothe, muya waṅu wothe, mbilu yaṅu yothe, muhumbulo waṅu wothe, zwothe zwine na vha nazwo.” Musi ni tshi khou ita tshiṅwe tshithu, tshi iteni zwone kana ni so ngo tshi ita na luthihi, ni a vhona, itanu ralo u tshi litsha. Arali ni tshi khou ya u vha Mukriste, isani zwothe zwine na vha nazwo kha Kristo, hezwo ndi, tshifhinga tshaṅu, vhukoni haṅu, zwothe zwaṅu.

<sup>9</sup> Ndi kha ḍi bva u limuwa hoyu muṅuku. Uyo ndi mufumakadzi waṅu, Mukomana Burns, ndi zwone, uno u tamba na u imba afho, vhafunani vhaṅuku. Huno—huno a si piano, nahone a si ogeni, fhedzi ndi tshiṅwe tshilidzwa, vha ita muungo ngatsho nahone vha tshi takula, nahone vha itela Murena tshiṅwe tshithu. Khaṅwe ni nga ralo, na imba, hezwo ndi, u wina mimuya. Itani tshiṅwe tshithu, hu si na ndavha. Arali ni—ni tshi nga lidza muludzi, zwo luga, lidzani muludzi. Itanu ralo u ita tshiṅwe tshithu. Tanzielani kana ni ite tshiṅwe tshithu ni tshi itela Muvhuso wa Mudzimu. Tshini na tshini tshine na vha natsho, tshi shumiseni ni tshi itela tshumelo ya Mudzimu.

<sup>10</sup> Zwino, a ri khou ya u lingedza u dzula tshifhinga tshilapfu, ngauri ndi a zwi divha uri ni a shuma. Ni khou tea u ṽavhanya na vuwa. Ndi khou ya u zwima zwisindi matsheloni maṅwe na maṅwe. Ndi ḍo tou ralo u ni vhudza ngoho. Ndi zwone zwine nda khou ita. Ndi zwone zwe nda vhuyela zwone hayani, ndi u awelanyana. Huno zwo ralo ndi vuwa, u yela kha awara ya vhuṅa nṅha ha tshithoma, huno nda ya maḍakani huno, zwo luga, nda zwimanyana nahone nda kona u eḍela. Huno ndi khou vhuyelwa nga tshilemenyana, ngauralo ndi ḍo awela, hu si kale, arali ni . . . Murena vha tshi funa. Huno zwothe zwo luga.

<sup>11</sup> Zwo luga, zwino, ri khou ya u vula kha Bivhili dzaṅu. Ndi khou ṽoḍa ni tshi ḍa na Bivhili dzaṅu madekwana maṅwe na maṅwe, uri ni . . . vhunga ni tshi nga kona. Arali muṅwe muthu a si na, naa muṅwe muthu u ya takalela u tevhelela u vhalwa, ri na dziṅwe hafha, ri ḍo vha na . . . vhaṅwe vhaṅwe vha tshi dzi fhirisa. Muṅwe o no khou ṽoḍa inwe? Zwo luga, itanu imisa tshanḍa tshaṅu.

<sup>12</sup> Ndi a divhudzisa arali Mukomana . . . Dokotela, a tshi nga ḍa hafha huno a dzhia hedzi Bivhili. No ima tsini hafho, na Mukomana Burns. Naa ndi zwone, Burns? Ndo mu pfa a tshi ri . . . [Murathu u ri, “Conrad.”—Mudz.] Mini? [“Conrad.”] Conrad. Ndi mu vhidza nga u ralo . . . Zwi khou nkonḍela u pfa, khaṅwe, Mukomana Neville. Dzina ḷa Burns ndo ḷi wana hani?

Tshifhaṭuwo tsha hoyu muthu ndi a tshi ḍivha, huno ndi tou vha ndi sa ralo, a thi koni u vhidza dzina ḷawe.

13 Huno u ya ḍivha, musi ni tshi aluwanyana, ndi wana tshithu tshithihi, zwi a nkondela u vhala heyi Bivhili. Huno ndi a zwi vhenga u elekanya nga u ambara mangilasi, uri ndi kone u vhala Bivhili.

14 Fhedzi, hafha a si kale, ndo elekanya uri ndi khou pofula. Huno nda ya u vhona Sam. Huno Sam a ri, “Bill, a thi ḍivhi.” A ri, “Ndi ḍo u dzudzanyela na muṅwe muḍivhi.”

15 Nda ya Louisville. Zwi tea u vha zwo vha zwi lufuno lwa Murena. Muṅwe muḍivhi a ḍivheyaho; ndo hangwa dzina ḷawe zwino. Fhedzi o no ralo u vhala bugu yanga. Huno a ri, “Arali wa dovha wa humela Afurika, ndi khou ṭoda u ṭuwa na iwe.” A ri, “Huno arali wa . . . Havho vhathu vha Afurika vha ya u funa.” Huno a ri, “Vha na vhutevheleli nga maanda, nga maanda nga lufhanga, kha u ya u tumula. Ngauralo,” a ri, “Ndi khou ṭoda u ṅetshedza miṅwedzi ya rathi ya vhutshilo hanga, u itela muaro wa tshanga na zwiṅwe, kha . . . mushumoni.” Huno a ri, “Arali ra nga ṭuwa roṭhe, huno wa kona u vha ita uri vha u takalele, sa zwenezwo.” A ri, “Zwenezwo arali vha na tshanga nahone maṭo avho a tshi shuma,” a ri, “Ndi ḍo takalela u zwi ṅetshedza, nga mahala, lwa miṅwedzi ya rathi.” Huno ndo hangwa uri ni tea u lindela tshifhinga tshingafhani uri ni vhe na tshifhinga nae.

16 Huno ro vha ro dzula kha lufhera luṭuku nahone yo vha i na tshiṭukunyana—tshedza tshitswuku tshiṭukunyana tshe tsha bvelela, henefho murahu kha lufhera lutswu. Ngani, ndo vha ndi tshi kona u vhala ayo maḷedere. Yo ri fumbili-fumbili. Ndo vha ndi tshi ralo u vhala masia oṭhe. Huno zwi fhirisela kha fumiṭhanu-fumiṭhanu, huno nda kona u zwi vhala. Huno a zwi isa kha fumi-fumi, huno nda kona u zwi vhala. A ri, “Zwo luga, a hu na zwinzhi zwo khakheyaho kha maṭo au.”

17 Ngauralo o vha a na tshivhonetsheli tshiṭuku. A vheya tshishumiswa tshiṭuku afho, tshithu tshiṭuku, ni a ḍivha. Izwo zwivhonetsheli zwa kale, ndi vhangana vho no zwi elelwa? Ro vha ri tshi anzela u lavhelesa ngazwo, u lavhelesa kha zwifanyiso, sa zwenezwo. Huno a ri, “Naa u ya kona u vhala izwo?”

Nda ri, “Ee, muṅe wanga.”

A ri, “Mmbalele zwone.”

18 Tsho vha tshi na yone, oo, ndima yo fhelelaho, u yela kha u ralo. Nda thoma, u i vhala; a thoma u i kokodzela ṅṅha, sa izwo, nda thoma u ongolowa na u ongolowa. A swika kha u rali, nda ima. A ri, “Ndi nga u vhudza tshithu tshithihi, wo no fhirisa fuiṅa.”

Nda ri, “Ee, ndi zwone, ndi kale ndo fhirisa.”

19 A ri, “Wo zwi ita hani?” A ri, “Maṭo a muthu, nga mvelo, musi ni tshi vha na miṅwaha ya fuiṅa, vhunga mavhudzi aṅu a tshi vha matshena, na zwiṅwe zwiṅzhi, maṭo a thoma u swongovhela.” A ri, “Zwino, arali wa isa phanda na u tshila, izwo zwi ḑo vhuya murahu hafhu.” A ri, “Uho u vhona ha vhuvhili, vha zwi vhidza nga u ralo. Fhedzi,” a ri, “muthu, wa miṅwaha ya u yela kha fuiṅa, vha ralo. . .” A ri, “A hu na tsho khakheyaho kha maṭo avho.”

20 Ndi a kona—ndi a kona u vhona vhudzi arali li fhasi, nda li bvisa kha nṅe. Fhedzi sendelani tsini hanga. . .Huno a ri, “Zwino, iwe u vhalu Bivhili yau,” a ri, “u i sendedzela kule na iwe.” A ri, “Ho no fhela tshifhinganyana, zwanḑa zwau zwi vha zwi si tsha vha zwilapfu nga u ralo, u swika hune a u koni—a u koni u i sendedza kule lwo eḑanaho lune wa vha u tshe wo i fara.”

21 Huno ngauralo a nnyitela phere dza mangilasi, huno tsha ndeme ndi uri ni a ralo u kona, ndi a u vhalu. A ri, “Zwino, kha phuluphithi yau. . .” O elekanya uri ndi muṅwe wa havha vhareri vha u huliswa, ni a ḑivha. Huno ngauralo a ri zwo ralo. . .u. . .Tshipiḑa tsha nṅha tshi tou vha ngilasi ya fasiṅere yo ḑoweleyaho, ngilasi yo ḑoweleyaho. Huno tshipiḑa tsha fhasi tshi na lupendelo, lune ndi a kona u i vhalu i tsini, ni a ḑivha, sa izwo. Ngauralo ndi tou vhenga u a ambara; ndi a ralo.

22 Huno zwino, kha pfunzo ya Bivhili, huno ndi na Thestamente Ntswa madekwana a ṅamusi. Ngauralo ndi. . .Ndi na Thestamente Ntswa ya Collins nahone yo gandwiwa nga tshikalo tsha vhuḑi. Fhedzi zwino, musi ndi tshi humela murahu kha iṅwe, ndi—ndi nga ralo u tea u humela kha dziḑa khonani dza kale, huno—huno nda edzisa u dzi vhalu. Fhedzi tshi nga vha mini kana mini, ndo—ndo takala ngauri ndo wana tshiṅwe tshithu tshine ndi—ndi kha ḑikona u tshi vhalu. Huno—huno—huno tshini na tshini tshine nda vha natsho, ndi khou ya u ṅetshedza muṅwe na muṅwe zwoṅhe zwine nda kona, u itela vhugala ha Mudzimu, ndi fulufhela uri U ḑo bvisa itsho tshiga tsha miṅwaha. Ndi nga si Mu humbele uri a ṅuse miṅwaha yanga. Ndi. . .Ee, itsho ndi tshiṅwe tshithu tshine roṅhe ri tea u tshi ita. Ri tea u fhira kha izwo. Huno ndi a zwi ḑivha uri a thi mutukana muṅuku sa zwe nda vha ndi zwone, ndo ima afha kha pulatifomo. Ndi na miṅwaha ya fuiṅa-malo. Huno itanu elekanya, miṅwe miṅwaha mivhili, ndi ḑo vha ndi na miṅwaha ya fuṅhanu, Mukomana Mike.

23 Nṅe-nṅe, zwi a nkondela u zwi tenda! Ndi tou vha. . .A tho ngo zwi ḑivha uri ndo vha ndo no fhirisa fumbili u swika kha miṅwaha mivhili yo fhelaho. Ndi zwone. Ndi zwone. Ndi tou vha. . .A tho ngo zwi tenda. Huno fhedzi ndi—ndi. . .Zwi a nkondela u zwi tenda u swika ndi tshi lavhelesa kha mangilasi, huno zwenezwo ndi—ndi a zwi ḑivha uri zwo ralo, zwenezwo. Fhedzi—fhedzi nga u tou lavhelesa zwa ho, ndi tou ḑi pfa ndi

wavhuḍi u bva tshe nda ḍi pfa vhtushiloni hanga, nahone izwo ndi a zwi livhuwa, nazwo-vho. Thendo dzoṭhe kha Mudzimu.

24 Zwino, ri khou guda Bugu ya Vhahevheru. Zwo no dzhia . . . Oo, ndi inwe ya dzo dzivhafhalaho nga maanḍa, Bugu yo pfumesaho ya Bivhili. Ndi a ni vhudza, ndi Bugu ine ngoho ya ḍo ralo . . . Arali Mudzimu a zwi tendela, huno ra tou dzhena fhasi kha hezwi, ndi a tenda ri ḍo wana tshiswiṭulo u swika ri tshi ḍo tou ralo u huwelela thendo dza Mudzimu tshifhinga tshoṭhe. Huno zwino ndi . . .

25 Bugu ya Vhahevheru, Ndi yeneyo, Yo vha yo tea u nwaliwa nga Paulo Mukhethwa, muṭani muhulu wa Bivhili, ndi a kholwa, we shango ḷa vhuya ḷa vha nae, nṇani ha Murena Yesu Kristo. Huno Paulo o vha a tshi khou fhandekanya wone . . . Zwino, Paulo o vha a tshi tou vha mudededzi wa vhukuma wa Bivhili; hezwo ndi, Thestamente ya Kale. Ndi yone Bugu i yoṭhe yo nwaliwaho nga itsho tshifhinga, i vhidzwaho Bivhili. Huno o vha a tshi khou lingedza u sumbedza Vhahevheru, a tshi khou fhandekanya Thestamente ya Kale na u vha sumbedza uri Thestamente ya Kale ndi murunzi kana tshifanyiso tsha Ntswa.

26 Henefho ri a kona u kwama mutala wa hayani nahone ra dzula miṇwedzi miraru henefho kha iyo ngelekanyo, henefho. U humela murahu, arali ri tshi nga vula kha Bivhili dzashu zwino, ngauri ri kha Vhahevheru, ndima ya 1. Fhedzi arali ra nga vula kha Nzumbululo, ndima ya 12, ni ḍo zwi vhona zwi khagala, uri murunzi u ralo hani. Arali . . . vhoiwi vhane na vha na penisela dzaṇu nahone vhane vha khou ya u nwala fhasi Maṇwalo. Kha Vhahe- . . .

27 Kha Nzumbululo 11, ri wana uri Yohane, tshiṭangadzimeni tsha Patimosi, o vhona musadzi o ima kha lutombo, nahone kha ṭhoho yawe o vha a na ḍuvha na nwedzi fhasi ha milenzhe yawe. Huno musadzi o vha a kha maṭungu, a tshi khou ṭoḍa u beba nwana. A beba nwana wa mutukana. Diragoni ḷitswuku ḷa ima, uri ḷi ḷe nwana musi a tshi ralo u bebiwa. Huno ene—ene nwana a takulelwa Ṭaḍulu, huno musadzi a shavhela sogani he a kanzwa lwa tshifhinga, tshifhinga, na hafu ya tshifhinga, kana u khethekana ha tshifhinga.

28 Zwino, musadzi u fanyisa tshivhidzo, nahone Nwana we a mu beba ho vha hu Kristo. Nwedzi fhasi ha milenzhe yawe ho vha hu mulayo, ḍuvha kha ṭhoho yawe ho vha hu tshilidzi. Naledzi dza fumimbili kha khare yawe ho vha hu vhaapostola vha fumimbili. Huno ndi henefho hune, kha zwo raloho . . . Vhaapostola vha fumimbili vho vha vha vhugala kana u ambadzwa khare ha Thestamente Ntswa. Ni a vhona? “Ngauri a hu na miṇwe mitheo ine ya nga itwa u fhira iyo yo no itwaho.” Ni a vhona? Ndi, Mutheo, yone—yone Thestamente Ntswa, vhaapostola, Pfunzo ya vhaapostola, na zwiṇwe zwinzhi, ndi khare yo wanaho Thestamente Ntswa. Huno-ha kha . . .

29 Nwedzi ndi murunzi wa ñvha. Duvha li tou vhonadza tshedza tshaño musi li murahu ha lifhasi. Huno ñwedzi wa ñetshedza tshedza, uri ri tshimbile ngatsho, nga madekwana. Huno tshifanyiso tshavhuñi hani tshine ra vha natsho afha, tshinwe tshifanyiso tshavhuñi: ñvha li fanyisa Kristo; wone—wone ñwedzi u fanyisa Tshivhidzo. Zwi tou nga munna na musadzi. Huno musi Kristo a si ho, Tshivhidzo tshi vhonadza Tshedza tshituku, Mafhungo mañifha. Huno ndi—ndi Tshedza tsha u tshimbila khatsho u swika Murwa a tshi ñavha hafhu, zwenezwo Tshivhidzo na Murwa, ñwedzi na ñvha, zwi vha tshithu tshithihi. Ni a vhona? Nwedzi ndi tshipiña tsha ñvha, nahone Tshivhidzo ndi tshipiña tsha Kristo. Huno musi Kristo a si ho, Tshivhidzo tshi vhonadza Tshedza Tshawe. Huno-ha vhunga zwo ralo ri tshi vhona ñwedzi u tshi khou penya, ri a zwi ñvha uri ñvha li khou penya huñwe fhethu. Huno arali Tshivhidzo tshi tshi khou vhonadza Tshedza tsha Kristo, Kristo u khou tshila huñwe fhethu. Amen. Elekanyani ngazwo.

30 Zwino, mulayo wo vha u tshifanyiso tsha tshilidzi, fhedzi mulayo a u na maanda a u tshidza khawo. Mulayo wo vha u tshi tou fha . . . Mulayo wo vha u pholisa. Pholisa li ni khudza kothoni, fhedzi, ni a vhona, zwi dzhia tshilidzi u ni bvisa ngomu kothoni. Ni a vhona?

31 Ngauralo Malofha a Kristo, Mafhungo mañifha, a ri bvisa kha tshivhi. Mulayo u tou ri ita vhaitazwivhi. Mulayo u ri, “Ni muitazwivhi. Iwe u so ngo tswa. Iwe u so ngo ita vhubombwe. Iwe u so ngo amba vhuñanzi ha u zwifha.” Ni a vhona? Ndi pholisa line ña ri no khakha nahone ni na mulandu. Fhedzi Mafhungo mañifha ndi mafhungo a takadzaho. Kristo o fela uri tshidza kha u pfuka hashu hoñhe, vhutshinyi ha mulayo. Kristo o fela u ri bvisa.

32 Zwino, Paulo, musi a tshi tou shandukiswa, ho ngo vhuya a vhudzisa inwe seminari, nahone ho ngo vhuya a vhudzisa muñwe mushumeli. Fhedzi no dzhiela nzhele? O tsela fhasi Arabia, nahone a vha henefho lwa miñwaha miraru, ngei Arabia. Zwino, hezwi ndi, uya nga kupfesesele kwanga, izwo . . .

33 Zwino, ri tea u wana vhubvo ha hezwi, uri ri ñivhe uri ndi zwandeme hani. Huno ngudo ya u thoma, madekwana a ñamusi, ri dzhia vhubvo hashu.

34 Zwino, Paulo o vha a mudededzi o raloho wa Bivhili, ngauri o funzwa fhasi ha muhulu, Gamaña a ñivheyaho tshifhinga tshoñhe. Huno o vha a muñwe a ñivheyaho nga maanda nga ilo ñvha, uyo mudededzi muhulu wa mulayo na vhaporofita. Ngauralo, Paulo o vha o funzea zwa vhuñi kha izwo zwithu.

35 Huno ndi mu takalela nga yeneyi ññila, heyi nzumbululo khulu, a na vhungoho mbiluni yawe, muvhulayi, o tendela lufu lwa Stefane nahone o vhona Stefane a tshi fa fhasi ha matombo na thulwi ya u kandwa nga matombo u swika a tshi fa. Ndi

elekanya uri zwi nga vha zwo kwama Paulo musi a tshi vhona Stefane a tshi imisela zwanḁa zwawe Liṭaḁulu, huno a ri, “Ndi vhona Maṭaḁulu o vuleya. Ndi vhona Yesu o ima tshandani tshaula tsha Mudzimu.” Huno a ri, “Khotsi, u so ngo vha vhalela itshi tshivhi.” Huno a eḁela.

36 Naa izwo no zwi limuwa? Ho ngo vhuya a fa. O tou eḁela. Vhunga . . . A thi tendi uri o vhuya a pfa liṅwe tombo. Vhunga lushie marumbini a mme alwo, lu tshi eḁela, Stefane o eḁela zwanḁani zwa Mudzimu.

37 Hu na tshiṅwe tshithu, malugana na Paulo, tsho sendelaho tsini nae. Zwenezwo ene, muthu muṅwe na muṅwe fhasi ha ṭhuthuwedzo, a tshi lingedza u Tshi lwisa, a ya kha tshifhe muhulu huno a dzhia maṅwe marifhi. A ri, “Ndi ḁo fara havho vhathu vhoṭhe vhane vha khou ita iyo phosho, na avho vhalwi na lutendo;” vho vha vha tshi dzhiiwa nga u ralo, zwine ṅamusi ri nga zwi vhidza, vhaṅwe “vhasweleli vhahulu,” kana tshiṅwe tshithu tshi nga ho zwenezwo, vha itaho phosho khulu na u khakhisa. “Ri ḁo tou tsela fhasi huno ra zwi dzudzanya.”

38 Huno ṅdilani ya u tsela fhasi, muṅwe wa maḁuvha . . . hu si ṅdila ndapfu vhunga ine ra i tshimbila. Huno idzo bada dza Palestine, mukwita muṭuku, vhunga mizwil ya kholomo i tshi tshimbila maḁakani hune mboho, na ṅngu, na bere, na dongi, na gamela, dza tshimbila ṅṭha ha zwikwara.

39 Huno Paulo, ṅdilani yawe ya u tsela Damaseka, ho no vha luswisi, liṅwe ḁuvha, Tshedza tshihulu tsha penyela fhasi nahone tsha mu rwa a wela fhasi. A hu na O tshi vhonaho nga ṅṅa ha Paulo. Ndi khou ṭoḁa ni tshi dzhiela nzhele izwo. Huno hafha, hezwi a tho ngo zwi livhisa kha muthu, fhedzi ri khou ya kha hovhu vhubvo. Uri ni ḁivhe uri uḁa Yesu muthihi . . .

40 Zwino, musi A kha liḁfhasi, O ri, “Ndi bva ha Mudzimu, nahone Ndi humela ha Mudzimu.”

41 Zwino, musi A tshi ranga phanḁa vhana vha Isiraele, O vha a Khavhu ya Mulilo. Huno musi A tshi itwa ṅama, zwenezwo A humela murahu kha iḁa Khavhu ya Mulilo. Huno musi A tshi ṭanganana na Paulo ṅdilani ya u ya Damaseka, O vha a yeneḁa Khavhu ya Mulilo, tshiḁa Tshedza, ni a vhona, Tshedza tshihulu. Huno Paulo o ri, “Ndi Nṅyi ane nda mu tovhola?”

42 A ri, “Ndi ṅṅe Yesu, Ane wa mu tovhola,” Tshedza. Oo, naa Ha wavhuḁi? [Tshivhidzo tshi ri, “Amen.”—Mudz.]

43 Huno U fhano, madekwana a ṅamusi, heneḁha na riṅe. Ri na tshifanyiso Tshawe tsho dzhiiwa heneḁho, itsho Tshithu tshithihi, ni a vhona, Khavhu ya Mulilo, Tshedza, kokotolo sa zwe A vha a zwone, “A sa shanduki mulovha, ṅamusi, na lini na lini.”

44 Zwino vhathu vhe vha vha vha nae a vho ngo vhona itsho Tshedza, fhedzi Tsho vha tshi tshi tou vha tshithihi. Mvelelo dzi bvedledza zwithihi.

45 Zwino, zwi a konadzea uri—uri muñwe a vhone Kristo kha tshino tshifhaṭo huno ha sa vhe na muñwe o no Mu vhona? Ngangoho. Zwo itea henefho.

46 Zwo itea hafhu vhuñwe vhusiku musi Petro a kothoni. Huno itsho Tshedza tsha bvelela kothoni, nahone tsha kwama Petro, huno tsha fhira mulindi wa ngomu, mulindi wa nga nṅa, tsha fhira khoro, khoro khulwane, na khoro ya ḍorobo. Petro a ri, “Ndi nga vha ndo vha ndi tshi khou ḷora.” Fhedzi a lavhelesa u mona, fhedzi Tshedza tsho vha tsho ṭuwa; Kristo, itsho tsha U Ya Nga Hu Sa Fheli, Tshedza tsha lini na lini. Khoyo henefho. Zwino, ṅdilani ya u tsa . . .

47 Huno lavhelesani, tshinwe tshithu, arali ri tshi nga amba nga izwi, zwo tou ḍa muhumbuloni wanga. Fhedzi vhanna vha vhuṭali vhe vha tevhela ṅaledzi, ṅdila yoṭhe u bva ngei India, Mabvaḍuvha, miñwedzi, vha tshi fhira miedzi na masoga (zwa fhira vhalavhelesi; huno vho vha vha tshi fara tshifhinga tsha madekwana nga ṅaledzi) huno a hu na muḍivhi wa zwakale kana muñwe muthu we a vhuya a ambiwa uri o vhona iyo ṅaledzi fhedzi vhanna vha vhuṭali. Yo vha yo tou itelwa u vhoniwa ngavho.

48 Ngauralo ni nga kona u vhona zwithu zwine muñwe ha koni u zwi vhona. Kha inwi, Ndi zwavhukuma. Khae, a vha zwi pfesesi. Zwi tou u fana na u shandukiswa; ni nga ralo u shandukiswa na ḍiphina nga phaṭhutshedzo dza Mudzimu, ni—ni tshi khou tou ṅwa kha phaṭhutshedzo dza Mudzimu. Huno muñwe muthu, o dzulaho tsini haṅu, “A thi vhoni tshithu.” Ni a vhona? Ni a vhona? Ndi zwenezwo. “A thi zwi pfesesi. A thi vhoni uri hu khou ambiwa nga mini.” Zwo luga, u tou vha a sa Zwi pfesesi. Ndi zwenezwo fhedzi. Hune, na vha hone.

49 Zwino dzhielani nzhele, Paulo ṅdilani yawe ya u tsela fhasi. Huno musi hetshi tshenzhemo tshihulu tshi tshi tou itea khae . . . Zwino, ho ngo fushea . . . Hezwo ndi zwone zwi itaho Paulo uri a vhe wa vhuḍi.

50 Zwino, ngudo yashu madekwana a ṅamusi a i ngo dzivhafhala. Ndi ngudo yo papamalaho, fhedzi, oo, ri ḍo dzhena kha vhudzivha, hu si kale. Fhedzi heyi ndi ngudo yo papamalaho, fhedzi i kha ḍi tou thoma. Huno zwine ya vha zwone, ndi tshithu tshithihi, tshine tsha khou hulisa Yesu Kristo. Paulo, ri tshi khou ralo u thoma.

51 Huno phanda ha musi a tshi nga ita hezwi, Paulo o vha a mutshudeni wa Bivhili. Huno mutshudeni wa Bivhili a nga si vhuye a ralo u awedza pfunzo yawe kha tshenzhemo. Hai, muñe wanga. Vha nga si vhuye vha awedza pfunzo dzavho kha



tshenzhemo. Ni nga vha na tshenzhemo tshifhio kana tshifhio. Fhedzi zwi tea u vha ARALO MA AMBA MURENA. Ndi zwone.

<sup>52</sup> Zwino, kha Thestamente ya Kale, vho vha vha na ndila tharu dzo fhambanaho dze vha vha vha tshi kona u divha mulaedza ngadzo. Ya u thoma, mulayo, uyo wo vha u tshi sokou vha mulayo. Zwenezwo, vho vha vha na ene—ene muporofita; mułori; huno vha vha na Urim Thummim. Zwino izwo zwi nga vha zwo dzivhafhalanyana.

<sup>53</sup> Urim Thummim yo vha i philelo ye ya vha i tshi ambariwa nga Aroni khanani yawe. Henefho ho vha hu na matombo a fumi na mavhili: yasipa, matswuku, barikata, na mañwe, u tsa fhasi. Vho vha vha na matombo a fumimbili mahulu, e a vha a kha philelo, zwi tshi sumbedza uri o vha a tshifhe muhulu wa lushaka luñwe na luñwe, tshaka dza fumi na mbili dza Isiraale. Heyi philelo yo vha i tshi nembelela kha phuphu ngomu tshivhidzoni. Huno musi muporofita a tshi porofita, huno vho vha vha tshi khou țoda u vha na vhuțanzi uri ndi zwone, kana hai, vhaporofita kana vhałori vho vha vha tshi ima phanđa ha heyi Urim Thummim, huno a amba mułoro wawe kana bono lawe, tshini na tshini tshe a vhona. Huno arali Tshedza Tshikhethwa . . . Oo, ni a zwi vhona? Mudzimu u dzulela u dzula kha sia la zwa nřha ha mupo. Thanganyelano, izwo zwiedza, zwo vha zwi zwo doweleyaho u swika lino ipfi li tshi phadala. Huno musi ipfi li tshi swika kha haya matombo, arali zwo vha zwi si zwa nřha ha mupo, ho vha hu si na zwine zwa itea khayoy. Fhedzi arali zwo vha zwi zwa nřha ha mupo, izwo Zwiedza zwothe zwi vhonadza mivhala ya musengavhadzimu. Amen. Zwenezwo, izwo ho vha hu Mudzimu a tshi khou amba, “Uyo ndi muporofita Wanga.” Kana, “Uyo mułoro u bva kha Nře.” Vho vha vha tshi hațula zwi tshi tevhedza Urim Thummim.

<sup>54</sup> Elelwani musi Saulo a tshi gunea? O ri o vha a sa koni u lora. Huno muporofita, Samuele, o vha o fa, nahone ho vha hu si na inwe ndila. A ri, “Na Urim a i ambi na nře.” Tshithu na tshithihi. Saulo o ima phanđa ha Urim, huno maipfi awe o vha o difela. Ni a vhona? Mudzimu o sokou ralo u mu landula. Huno iyo Urim Thummim, iyo yo vha i mbonadzo ya vhutshifhe ha Aroni. Murahuh u țuwa ha Aroni, Mushe, yone—yone phuleithi yo vha i tshi nembelela kha phuphu.

<sup>55</sup> Zwino, vhutshifhe ha Aroni ho fhela musi Yesu a tshi fa. Huno zwino, u fhandekanya mulayo kha tshilidzi, ri kha di vha na Urim Thummim. Huno Paulo o vha a tshi khou I shumisa. Ni a vhona? Urim Thummim namusi ndi Li sa fi la Mudzimu, la U Ya Nga Hu Sa Fheli, Iphi la lini na lini. Ni a vhona?

<sup>56</sup> “Ngauri nnyi kana nnyi ane a do țusa kha iyi Bivhili, kana u engedza tshinwe tshithu Khayo.” A thi țodi tshinwe tshithu nnda Hayo, fhedzi ndi khou țoda zwothe zwine Ya vha nazwo. Itsho

ndi Tshivhidzo tshine ra khou tshi ɬoɬa. Huno zwithu zwoɬhe zwi tea u ɬolwa nga heli Iphi.

<sup>57</sup> Ndi ngazwo ndo bva vhukati ha vhatu vha Pentekostaɬa, ngauri, nda ndi tshi ri, “A thi pfesesi hune mapfura a ela u bva zwanɬani zwanu, kana malofha kha tshifhatuwo tshanu, zwa vha tshiga tsha uri ni na Muya Mukhethwa.” Izwo a zwi ho kha Luñwalo nahone ndi—ndi tou vha ndi sa koni u zwi konɬelela. Zwi tea u bva kha Iphi.

<sup>58</sup> Huno zwino, Paulo, u tou funa Iphi. Ngauralo, phanda ha musi a tshi ɬanziela itshi tshenzhemo tshihulu tshe a vha natsho, o tsela fhasi Egipita lwa miñwaha miraru. Ndi a tenda yo vha i miñwaha miraru, miñwaha miraru fhasi afho Egipita. Huno ni a ðivha zwine nda tenda uri o ita? Ndi a tenda uri o dzhia Thestamente ya Kale, huno a ɬola kha Thestamente ya Kale, huno a wanulusa uri izwo Ho vha hu Mesia wa vhukuma. O ralo u tea u ɬola tshenzhemo tshawe nga Bivhili. Amen. Oo, nɬe-nɬe!

<sup>59</sup> Mu lavheleseni musi a kothoni. Ni dzhie nzhele, hu na tshone—tshone tshipiɬa tsha vhutshilo ha Paulo tshe a vha a kothoni henefho lwa tshifhinga tshilafu. A ñwala Bugu ya Vhaefesa. A ñwala hovhu Vhurifhi ha Vhahevheru. Ni a vhona? O vha a na tshifhinga. Mudzimu o mu dzudza henefho kothoni, huno a ñwalela zwivhidzo Marifhi. Vhuñwe kha tshivhidzo tsha Efesa. A ñwala vhuñwe a vhu isa kha tshivhidzo tsha Pentekostaɬa, o vha a na thaidzo nnzhi navho. Tshivhidzo tsha Pentekostaɬa o vha na thaidzo nnzhi u fhira tshiñwe-vho. U kha ði vha nayo. Fhedzi o vha livhuwa. Tshithu tshi tshoɬhe tshe a kona u vha funza. . . Musi vha tshi dzhena: muñwe o vha a na ndimi, muñwe a na phisalema, muñwe a na vhuɬipfi, muñwe a na zwipfi. Ho ngo kona u amba, u amba navho, “Tsireledzo ya U Ya Nga Hu Sa Fheli.” Ho ngo kona u amba navho, “u tiwa.” Ho ngo kona u amba navho, vho vha vha vhushie. Vhoɬhe vho vha vha tshi tea u—vha tshi tea u pfa tshiñwe tshithu, kana u vhona tshiñwe tshithu, kana u vha na zwipfi zwi takadzaho, na, kana tshiñwe tshithu u mona navho, vhuñwe vhuɬanzi-vho.

<sup>60</sup> Fhedzi ndi a tenda, musi a tshi amba na Vhaefesa, o vha a tshi kona u amba nga, “Mudzimu o ri ta uri ri vhe vharwa na vhananyana, nahone a ri adoputha sa vhana kha Yesu Kristo u bva tshe shango ɬa sikiwa.” Lavhelesani kha izwo. Nɬe-nɬe!

<sup>61</sup> Mu lavheleseni a tshi ða kha Bugu ya Vharoma, na dziñwe. Vho vha vho no aluwa. Oo, vho amba nga dzindimi, zwo ralo, nahone vho vha vha na zwiñwe zwiga zwa Muya Mukhethwa vhukati havho. Fhedzi a vho ngo vhumba dziipfunzo, na vhuɬipfi, na u sengenedza, na zwipfi zwi takadzaho.

<sup>62</sup> Paulo o ri, “No—no—no ðivhudza nga izwo. Ngeno no vha no tea u vha ni khou funza, ni kha ði vha vhushie nahone ni tea u mama.”

63 Zwino, ndi zwenezwo zwe nda dzulela u sumbedza tshino tshivhidzo uri tshi vhe zwone, hu si tshigwada tsha vhushe. Kha ri vhe vhaaluwa. Imani ndilani. Oo, nne-nne! Khezwo-ha.

64 Ngauralo, Paulo a tsela fhasi henefho, tsha u thoma, u vhona arali tshenzhemo tshawe tshi tshi tshimbilelana na Bivhili ya Mudzimu.

65 Oo, naa zwi nga si vhe zwavhuḍi, namusi, arali vhathu vho ita izwo hafhu, arali ra ita uri tshenzhemo tshashu tshi livhane na Bivhili ya Mudzimu? Arali zwi sa ralo, zwenezwo tshenzhemo tshashu tsho khakheya; a tshi taidzi na Urim Thummim. Arali zwi tshi taidza ngomu Hafho, amen, ndi a zwi divha uri no Zwi pfa. Fhedzi arali zwi sa ralo, vhaḥwe. . . A thi na ndavha uri zwi vhonala zwi zwa vhuḍi hani, uri zwi vhonala zwi zwavhukuma sa zwine zwa vha zwone hani; arali hezwo zwiedza zwi sa taidzi kha Urim Thummim, zwo vha zwo khakheya.

66 Huno hu si na ndavha uri no no vha na tshenzhemo zwingafhani, uri zwi vhonala zwi zwavhukuma hani, uri zwi khagala hani, uri zwo funzea u swika gai, ndi tshishumiswa tshihulu hani u kunda mimuya; arali zwi sa taidza na Ipfi, zwo khakheya. Ndi zwone. Zwi tea u tshimbilelana na Ipfi.

67 Zwino, ndi a tenda kha. . . hu na vhukati ha ndila. Ndila, zwino, zwifhinga zwinzhi. . . Ndo vha ndi tshi anzela u ya kha tshivhidzo tsha Nazarene. Murena vha fhaṭutshedze havho vhathu vha funeaho. Vha maitele a kale, vha tou vha Vhamethodisi vho itwaho vhakhethwa; tshivhidzo tsha Mudzimu, Nazarene, Vhatsinda Vhakhethwa, na vhunzhi ha izwo zwivhidzo zwikheethwa zwa kale. Huno vha vha a tshi anzela u imba luimbo:

Ndi khou tshimbila kha gondo nga ḷa vhuḍi ḷa  
kale,  
Ndi tshi amba hoṭhe hune nda ya,  
Ndi nga namba nda vha Mukriste wa  
tshifhinga tsha kale, Murena,  
U fhira zwiḥwe zwoṭhe zwine nda divha.

68 Zwo naka. Ndi zwavhuḍi. Huno-ha vho vha vha tshi anzela u amba nga gondo ḷa vhuḍi. Zwino, arali na vhala izwo, vho zwi wana kha Yesaya, ndima ya vhu 35. Zwino, arali na nga dzhiela nzhele, o ri, “Hu ḍo vha na gondo, na ndila.”

69 Zwino, na ndi liṭanganyi. Ni a vhona? Gondo, ḷo vha ḷi si gondo liḱhethwa. “Hu ḍo vha na gondo, na ndila, nahone i ḍo vhidzwa, ‘Ndila ya vhuḱhethwa,’” hu si gondo ḷa vhuḱhethwa. “Ndila ya vhuḱhethwa!” Huno ndila ya bada ndi vhukati ha bada. Yo fhaṭwa sa hezwi uri maḍi a kumbe tshika, thungo dzoṭhe, i tshi ita uri bada i dzule yo kuna. A ni ralo, ni na tshika musi no ima badani yaṇu, tshifhinga tshoṭhe, arali i so ngo fhaṭwa nga ndila yone. “Ndila” vhukati ha bada.

70 Zwino, kha thungo *heyi*, musi vhathu vha tshi shandukiswa, mihumbulo yavho i a dzudzanywa kha Kristo. Huno arali vha tshi tou vha matshudeninyana, huno vha si farelele kha thabelo, vha do rothola nga maanda, huno vha oma, na u vha nga inwe ndila, na u vha vho fhambanaho. Huno-ha arali vha tshi tou vha na mazhuluzhulunyanana, arali na sa lavhelesa, vha do vha vho fhambanaho na u vha nga inwe ndila, kha thungo *heyi*, ni a vhona, vha dzhena nga vhuḍipfi na zwiinwe zwoṭhe.

71 Zwino, fhedzi, Tshivhidzo tshavhukuma tshi na Mafhungo maḍifha o teaho, henefho vhukati ha bada. A tshi rotholi na u vha nga inwe ndila, nahone a tshi na vhusweleli. Ndi a vhuḍi, a kale, Mafhungo maḍifha a dudelaho, lufuno lu re mbiluni lwa Mudzimu, tshi tshi tsa na vhukati ha bada, tshi tshi vhidzelela u bva matungo oṭhe. Ndi zwone. Zwino hezwo ndi zwine. . . Huno ni khou ya u wana hani itsho Tshivhidzo? U bva kha Iphi, yone Urim Thummim.

72 Zwino, Paulo o vha a tshi khou ṭoda u swikisa hetshi tshivhidzo vhukati ha bada, ngauralo a ya a guda lwa miṅwaha miraru kha Maṅwalo e a vha a tshi a ḍivha. Ngauralo, Paulo o ṅwala tshipiḍa tshihulu tsha heyi Thestamente Ntswa. Mudzimu o mu tendela a tshi ita izwo ngauri hu khou ḍa tshikhathi tsha Vhannaḍa. Mateo, Marko, Luka, na Yohane, Mafhungo maḍifha maṅa, vho vha vha Vhayuda. Fhedzi Paulo o ṅwala marifhi manzhi.

73 Zwino dzhielani nzhele, zwino, ri khou ya u thoma u wana hovhu vhubvo zwino, hune a vha hone, a tshi khou I ṅwala, ngei kthothi. Huno o vha na tshenzhemo hezwi zwoṭhe. Fhedzi, tsha u thoma, hetshi tshenzhemo tsho ranga u ṭolwa, nahone hovhu ndi vhurifhi ha ndeme khazwo. Hovhu ndi vhurifhi ha ndeme. Vharoma na Vhaefesa, na maṅwe, a na vhuimo hao, fhedzi hovhu ndi vhurifhi ha ndeme.

74 Zwino, ndima yoṭhe ya u thoma, ndi, u takula Yesu, na u Mu fhandekanya sa muporofita. Ndi yone thero khulwane zwino. Ndi do lingedza u dzhena khazwo nga u ṭavhanya u ya nga hune nda kona zwino, uri ri si dzule tshifhinga tshilapfu. Thero yoṭhe, ndi, u fhandekanya yone ntswa ndi-. . . ntswa. . . Ndima ya 1, ndi, u fhandekanya Yesu na muporofita, kana mulayo u fhio kana ufho, kana zwiinwe zwoṭhe, na u sumbedza uri Yesu ndi Nnyi. Zwino lavhelesani, “Mudzimu.” Ri a thoma, ipfi ḷa u thoma, “Mudzimu.”

*Mudzimu, tsha kale-. . .ane tsha kale na kale. . .*

*Tshakale* zwi amba u ri “murahu-rahuh,” tshifhinga tsha murahu.

*. . .tsha kale na kale na nga zwickhathi zwo fhambanaho o amba na vkhokhosi nga vhaporofita,*

75 Zwino, ni a vhona, “Mudzimu, tsha kale na kale, murahurahu, O amba na vhokhotsi nga vhaporofita.” O vha a tshi neya Mulaedza Wawe nga u ralo, nga muporofita Wawe.

76 Mudzimu o vha a tshi rumela muporofita Wawe sa Eliya, Yeremia, Yesaya. Huno arali na nga dzhiela nzhele, na liñwe ñuvha zwało kha ñivhazwakale ya shango, he tshivhidzo tsha vhuya tsha bveledza muporofita. Zwi toleni kha Thestamente ya Kale, Thestamente Ntswa, kana kha lino ñuvha, ñuvhani la u fhedza. Ntsumbedzeni muñwe muporofita we a vhuya a vuswa kha tshivhidzo kha ñuvha la u fhedza. Ntsumbedzeni muñwe we a vhuya a takuwa, u bva henefho. Huno ni ntsumbedze tshiñwe tshifhinga tshe muporofita, mulanda wa vhukuma wa Mudzimu, ane maitele a vhuhuweleli ha shango a si mu hañule.

77 Elekanyani ngazwo. Yeremia, Yesaya, u tsela fhasi hoñhe kha Thestamente ya Kale, vho zwi hañula. Yesu o ri, “No khavhisa mavhida a vhaporofita na a ita matshena, huno no vha dzhenisa henefho.” Ndi zwone.

78 Tshivhidzo tshi isa phanda na hezwo. Lavhelesani kha Patrick Mukhethwa. Vhoinwi vhathu vha Katolika ni a mu vhidza. Ha tsha vha Mukatolika vhunga na nñe ndo ralo. Ndi zwone. Fhedzi ni ri ndi wa vheiwe.

79 Lavhelesani kha Francis Mukhethwa wa ngei Assisi. Na ri ndi wa vheiwe. Ha tsha vha Mukatolika u fana na nñe ndo ralo.

80 Lavhelesani kha Joan wa Arc. No mu fhisa a vha miłora, sa muloi, ngauri o vhona mabono na u vha wa tshimuya. Na mu fhisa a vha miłora. Huno uyo musadzi a tshi khou lilela khathutshelo, huno vha mu fhisa a vha miłora. Ho no fhela miñwaha ya mađana, vha wanulusa uri o vha a muporofita. O vha a mulanda wa Mudzimu. Oo, zwo tou ralo, no ita tshigwevho tshihulu: no ngwa mivhili ya vhotshifhe huno na vha posa mulamboni.

81 “No ralo u khavhisa mavhida a vhaporofita, huno na vha dzhenisa henefho.” Ndi zwone. Maitele a vhuhuweleli ha athu u vhuya a bveledza muthu wa Mudzimu; a zwi athu u vhuya zwa ralo, na namusi a zwi a thu u ralo, nahone a zwi nga vhuyi zwa ralo. Vhurereli ha dzangano a vhu athu u vhuya ha vha ndivho ya Mudzimu.

82 Tshivhidzo tsha kale tshe tsha vhumba dzangano shangoni ndi tshivhidzo tsha Katolika; Luther, ndi wa vhuvhili; ha tevhela Zwingli; murahu ha Zwingli, ha ña Calvin; Calvin, ha ña, Anglican, Anglo-Saxons a vhusa, zwenezwo ha bvelela tshivhidzo tsha Anglican; ha ña Khosi Henry wa Vhumalo, musi a tshi gwalaba, na zwiñwe zwinzhi; na u tsela fhasi kha Methodisi ya Wesley, na Nazareta, Vhatsinda Vhakhethwa; na u tsela fhasi kha tsha u fhedza, ndi Pentekostała, zwoñhe zwa vhumba dzangano. Huno Bivhili i funza zwi khagala uri tshivhidzo tsha Katolika ndi—ndi musadzi wa phombwe,

huno zwivhidzo zwa Phurositente na madzangano azwo ndi vhananyana, Nzumbululo 17. Ndi zwone kokotolo. Ngauralo vha tou vha . . .

<sup>83</sup> Hu si vthathu, zwino. Hu na vha vhuḍi kha zwivhidzo zwoṭhe; vhakhethwa, vthathu vho tshidzwaho. Fhedzi Mudzimu ha vhidzi vthathu Vhawe nga dzangano. U vhidza muthu a eṭhe. Mudzimu u shuma na muthu nga muthihi, kana ni Mumethodisi, Mubaphuthisi, Muphurositente, na Mukatolika, kana zwine na vha zwone. Mudzimu, musi shango ḷi sa athu u sikiwa, o ni ḍivha, a ni tela Vhutshilo ha U Ya Nga Hu Sa Fheli, kana ni nga vha no telwa u xela ha U Ya Nga Hu Sa Fheli. Hu si . . .

<sup>84</sup> O vha a sa funi uri ni lovhe, ni ḍo lovha. Fhedzi, Ene nga u sa vha na magumo, O tea u ḍivha magumo a tshe mathomoni, kana Ha Mudzimu. Ngauralo Yesu ho ngo ḍa kha ḷifhasi u ri, “Zwo luga, Ndi ḍo vhona arali muṅwe muthu a tshi ḍo khathutshela . . . Arali nda ḍiita huno nda fa, nga ṅḍila i konḍaho, vha ḍo elekanya, ‘Zwo luga, Ndi . . .’ Zwi ḍo ralo—zwi ḍo ralo u fhembeledza mbilu dzavho, huno vha ḍo . . .” Mudzimu ha tshimbidzi bindu Ḳawe nga u ralo.

<sup>85</sup> Yesu o vha o ḍela ndivho nthihi fhedzi, heyo ndi, u tshidza havho vhe Mudzimu, musi shango ḷi sa athu u sikiwa, a ḍivha uri vha ḍo tshidziwa. O ralo. Ndi zwone. Ngauralo ni . . . “A si uyo ane a funa, kana uyo ane a gidima; ndi Mudzimu a sumbedzaho khathutshelo.” Paulo o ralo. Muthu muthihi hafha.

<sup>86</sup> O ri, “Ndi ngazwo Mudzimu a tshi kona u ri, musi Esau kana Yakobo vha sa athu u bebiwa, O ri, ‘Ndo funa muthihi huno nda vhenga muṅwe.’” Phanḍa ha musi muṅwe wa havha vhatukana vha tshi bebiwa, Mudzimu o zwi ḍivha uri Esau o vha a sa fulufhedzei, nahone A zwi ḍivha uri Yakobo o vha a . . . o funa pfanelo dzawe dza mabebo. Ngauralo O zwi ḍivha, musi shango ḷi sa athu u sikiwa, malugana na izwo. Zwino, ri khou ya u wanulusa nga miniti uri ndi Nnyi uyo o zwi ḍivhaho. Ndim iyi i nazwo.

Mudzimu, . . . u *bva* tshakale na nga zwifhinga zwo fhambanaho o amba . . . na vhone vkhokhosi nga vhaporofita,

Vhufheloni ha ano maḍuvha o amba na riṅe nga Murwa wawe, . . .

O ita mini? “O amba na riṅe vhufheloni ha ano maḍuvha nga Murwa Wawe.”

<sup>87</sup> Zwino, ni ḍo zwi elekanyisa hani-ha, izwo, muporofita u ḍo vha mini? Ri ḍo vha na muporofita-ha wa ḷino ḍuvha? Kokotolo. Naa u ḍo amba na riṅe? Zwo tou ralo. Fhedzi uyo ane . . . Vhaporofita vha maḍuvha a kale vho vha vha Muya wa Yesu Kristo.

88 Zwino, kha ri dzudzanye izwo, ngauri a thi elekanya uri zwi khou dzehena nga ndila yone. Zwino, hezwi zwi tou nga Tshikolo tsha Swondaha, ngauralo ri khou toḁa u ita uri hezwi zwi pfale. Ni a vhona?

89 Dzhielani nzhele. Kha ri dzhie Muya wa Mudzimu we wa vha u kha Mushe, kokotolo u. . . ndi murunzi wa Yesu Kristo. Vhuvha hoṁhe ha Thestamente ya Kale zwo vha zwi murunzi wa tshifhambano. Mushe, o bebwa a ṁwana o fhelelaho, a dzumbiwa kha mukungwa, a ṁuwiselwa kule na vhabebi vhawe, na zwiṁwe, huno o vha a. . . O vha a khosi, kana ene—ene murangaphanda, muṁetshedzi wa mulayo, murabeleli, tshifhe. Zwoṁhe zwe a vha a zwone o vha a murunzi wa Kristo.

90 Lavhelesani kha Yosefa, o fuṁwa nga khotsi awe, a vhengwa nga vhakomana vhawe, nahone a rengiswa nga maseṁha a furaru. A poswa mulongani, a vhoneala sa o faho; a bviswa. Kha mutovholo wawe, phondi ya tshidzwa, nahone muvhulayi a laṁwa; mbava mbili kha tshifhambano. Huno-ha musu a tshi bva, o takuswa mulongani, huno a rumelwa kha tshanda tshauḁa tsha Farao, ramakwevho muhulu. . . lwone—lwone—lwone lushaka lwe lwa kunda shango loṁhe. Huno ho vha hu si na muthu we a vha a tshi nga ḁa kha Farao ṁṁḁani ha musu vho fhira kha Yosefa; Yesu o dzula kha tshanda tshauḁa tsha Mudzimu, nahone a hu na muthu ane a nga ḁa ha Mudzimu ṁṁḁani ha musu o fhira kha Kristo. Huno musu Yosefa o ṁutshela khuluṁoni huno a thoma u tshimbila, vhanna vha fhira phanda hawe, vha tshi huwelela na u lidza dziphaphala, u lidza phaphala, vha tshi ri, “Gwadamani! Yosefa u khou ḁa.”

91 Huno musu Yesu a tshi vhuya, phaphala i ḁo lila, nahone magona oṁhe a ḁo gwadama, huno ndimi dzoṁhe dzi ḁo bula. Ee, muṁe wanga. Khoyo O vha a heneṁho.

92 Huno musu Yosefa a tshi fa, o sia tshihumbudzi kha avho vhe vha vha vho lindela ndamulelo.

93 Ndo vheya tshanda tshanga kha bogisi ḁa kale, hafha a si kale, lo vha lo itiva nga mutobvu. Huno muvhili wawe wo vha u tshi khou tea u dzula. . . marambo awe. . . A ri, “Ni so ngo ntswiṁa fhano, ngauri ḁiṁwe ḁuvha, Mudzimu u khou ya u ni dalela.” O vha a muporofita. “Mudzimu u khou ya u ni dalela.” Huno a ri, “Musu ni tshi ya kha shango ḁa pfulufhedziso, ni dzhie marambo anga.”

94 Muhevheru muṁwe na muṁwe wa kale, a na u raha-raha na malofha, o vha a tshi ralo u lavhelesa kha ḁo bogisi nahone a ri, “ḁiṁwe ḁuvha, ri khou ya u bva.”

95 Yesu o sia tshihumbudzi, tombo ḁi si na tshithu. ḁiṁwe ḁuvha ri tshi ya tshaloni, na vhafuṁwa vhashu, huno ra pfa gwada ḁituku ḁa kale, musu ḁi tshi ri, “Miḁora murahu kha miḁora, na buse murahu buseni, na ḁifhasi kha ḁifhasi.” Fhedzi, murathu, ri nga kona u lavhelesa seli ha lwanzhe, kha tombo ḁi si na tshithu.

Ḳinwe ḍuvha, ri khou ya u bva hafha. Ri khou ya Hayani. U khou vhuya. Zwoṭhe zwo vha zwo fanyiswa.

<sup>96</sup> Lavhelesani kha Davita, o landulwa nga vhathu vhawe, a bviswa kha khuluṇoni nga vhathu vhawe. Sa khosi ya Yerusalema, a pandelwa Yerusalema nga vhathu vhawe. Huno musi a tshi gonya nṯha kha Thavha ya Olive, a lavhelesa murahu nahone a lila. O vha o landuliwa.

<sup>97</sup> Ho no fhela miṅwaha ya maḍana a malo u bva itsho tshifhinga, Murwa wa Davita, Khosi ya Yerusalema, a dzula kha tshikwara huno a lila, ngaauri O vha o landulwa.

<sup>98</sup> Uyo wo vha u Muya wa Kristo kha Davita. Zwoṭhe zwo vha zwi murunzi wa tshifhambano. Avho vhaporofita murahu afho vho amba Dzinani Ḳawe. Vho tshila Dzinani Ḳawe. Vho ita zwoṭhe Dzinani Ḳawe. Zwo tou ralo. “Mudzimu u bva tshakale na kale na nga zwikhathi zwo fhambanaho o amba na vhokhotsi nga vhaporofita, fhedzi kha Ḳino ḍuvha Ḳa u fhedza nga Murwa Wawe.”

<sup>99</sup> Ngauralo vhaporofita na vhanna vha tshimuya, Ḳino ḍuvha, vha tou vha tshivhoni tsha Kristo. Henefho, vho ima nga mulayo, vha lavhelesa. Hafha vho ima, vho lavhelesa murahu kha inṅwe ndila, nga tshilidzi.

<sup>100</sup> Izwo kha Vhaheveru 11, ndima ya u fhedza, ndo dzulela u ḍivhudzisa izwo. Kha ndima ya u fhedza, tshipiḍa tsha u fhedza tsha ndima ya vhu 11 ya Vhaheveru, musi a tshi amba nga Abrahamu. Ndimu khulu ya lutendo, huno magumoni, o ri, “Vho ṽinga-ṽinga kha mikumba ya nngu na mikumba ya dzimbudzi, nahone vha itwa zwishai, na u tumukanywa. Vho ṽinga-ṽinga, hu si na hune vha nga ya, vho vhengwa, na u nyadzwa, na u tovholwa. Vhane, Ḳino shango a Ḳo ngo fanelwa nga vhathu vho raloho.”

<sup>101</sup> Zwenezwo Paulo a ima nahone a ri, “Fhedzi vha si na riṅwe a vho ngo khunyelela.” Ngaauri vho tou lavhelesa *kha* tshifhambano fhedzi, huno ri lavhelesa *nga* tshifhambano. Ri na Muya wa Kristo murahu ha musi U tshi vha ṅama na u dzula vhukati hashu. Ri ḍa fhano nga Muya Mukhethwa, zwine zwa vha muhumbulo wa khwiṅwe.

<sup>102</sup> Huno tshinṅwe tshifhinga ndi a ḍivhudzisa zwine Vhukriste ha lavhelela ṅamusi. Mureri a tshi ya ḍoroboni u tea u vha na . . . kana tshinṅwe tshivhidzo tshiswa kana inṅwe ndango ntswa, a ḍivhidza muporofita, a gonya afho nṯha, a ri, “Zwo luga, arali vha mpha tshelede yo ya ho nga u rali. Arali nda nga vha na moḍoro wa khwiṅwe. Arali vha nga . . . Arali muholo wanga wa engedzwa miṅwedzi ya rathi miṅwe na miṅwe.”

<sup>103</sup> Ri tea u vha na zwa khwiṅwe. Ri tea u vha na miṯa ya khwiṅwe. Ri tea u vha na zwiambaro zwa khwiṅwe. Ri ḍo ita mini musi ri tshi ima vhuhoneni ha avho vhanna vho ṽinga-ṽingaho, kha mikumba ya mbudzi na mikumba ya nngu, hu si na fhethu hune



vha nga vheya țhoho dzavho, vha tshi ținga-ținga sogani? Huno muñwe muthu a nga tou swaswa nga riñe huno ro lugela u litsha tshivhidzo na u sa humela hafhu. Zwine Vhukriste ha țoda ñamusi. Ri tea u ñishona.

O Mudzimu, ri khathutshele.

<sup>104</sup> Nga ñiya ñuvha, O amba nga vħaporofita, fhedzi kha ñino ñuvha nga Murwa Wawe. Ilo lo vha ñi ipfi la muporofita, afho. Ii ndi Ipfi la Murwa, ñamusi. Oo, kha hu rendwe Dzina la Murena!

<sup>105</sup> Nga mañwe maipfi, arali ni tshi khou lavhelesa kha murunzi, zwa negethivi, ni nga ita phoswo. Fhedzi Hezwi ndi u anda, tshifanyiso tshi khagala. Izwo zwo vha nga muporofita; hezwi ndi nga Murwa Wawe. Izwo zwo nga nga negethivi; izwi ndi nga phosethivi. Amen. Ni a zwi vhona? A hu na tshikhala tsha u kundelwa. Ndi zwithu zwi re phosethivi, kha ñino ñuvha nga Murwa Wawe. Oo, ndi zwavhuđi hani!

*...ane khae o vheya vħulaifa... (oo, nñe-nñe)...  
vħulaifa ha zwithu zwothe,...*

<sup>106</sup> Ho vha hu mini? Ho vha hu ndangano. Oo, thetshesani. O vhetshelwa, Kristo o ralo, vħulaifa ha zwithu zwothe. Oo, izwo diabolo u a zwi ñivha, u bva tsimuni ya Edeni, ni a vhona, musi diabolo a tshi pfa ilo Ipfi ñiya ñuvha, kha khařhulo ya avho vhathu. A ri, “Ngauri u bva buseni; u do humela buseni; nahone Mbeu ya musadzi i do kanda țhoho ya ñowa.” Mbeu yo fulufhedziswaho.

<sup>107</sup> Sathane o dzula a tshi lavhelesana na iyo Mbeu. Musi Avhele a tshi bebiwa, o ri, “Khezwo-ha, ndi heyo mbeu.” Huno a vħulaya Avhele. Murwa wawe, Kaini, a vħulaya Avhele. Huno musi Avhele a tshi tou fa, a ri, “Ndo wana mbeu.” A i vħulaha. A ri, “Ndo i wana.” Fhedzi, lufu lwa Avhele, mabebo a Sethe o vha a mvuwo hafhu. Lavhelesani uri vho tevhelelana hani.

<sup>108</sup> Lutsinga lwa Sethe, lwo tsela fhasi, sa wa u ñinyadza, muthu muvhuya; u tsela fhasi kha Inoko; u tsela fhasi kha Noaxe, u swika magumoni a u tshinyadzwa nga muđalo.

<sup>109</sup> Lavhelesani lutsinga lwa Kaini, vho vha vħathu vha vħuřali, vho funzeaho, vha saintsi. Naa Bivhili a i ri. . . Naa Yesu ho ngo ri, u ri, “Vhana vha ñino shango vho țalifha u fhira Vhana vha Muvhuso”? Lavhelesani nga sia la Kaini na ñamusi: vħařali, u funzea, vħatima-timi, vha vħurereli nga maanđa; ni a vhona, vha vħurereli nga maanđa, fhedzi vħorasaintsi, vħafhaři, vħanna vħahulu.

<sup>110</sup> Dzhiani vħanna vħahulu. Lavhelesani kha Thomas Edison, vħanna vħanzhi vħahulu. Lavhelesani kha Einstein, maluvhi a shango, vha vħidzwa u ralo, ñamusi, maluvhi a shango. Fhedzi a ri lingedzi u shumisa maluvhi. Ri tendela Muhumbulo we wa vha u kha Kristo wa vha kha riñe, huno lavhelesani kha ñino Ipfi, huno ni vħidza izwo nga u ralo.

111 Madokotela a mishungo, naho ri tshi vhahulisa nga zwoṭhe zwine ra vha nazwo, fhedzi vhunzhi ha avho ndi vhatimatimi, a vha tendi. Lavhelesani kha vhuṭali na vhatu vha vhukoni namusi. Vha hone kha sia ḷiya nga afho, sia ḷa Kaini.

112 Fhedzi lavhelesani kha vha u ḍinyadza na vhulenda. Kheyo mbvuwu yaṅu hafhu. Oo, kha hu rendwe Dzina ḷa Murena. Khezwo-ha. Dzhielani nzhele.

. . . o mu ita *mulaiifa wa zwithu zwoṭhe, a dovha a sika mashango ngae;*

Ndi nnyi o sikaho mashango? Kristo. “Kristo o sika mashango?” Ee, muṅe wanga. Kha ri ise phandanyana.

*Ane a vha lupenyo lwa vhugala hawe, na tshifanyiso tshi vhone tsha vhuhone hawe, . . .*

Lupenyo lwa vhugala ha Nnyi? Vhugala ha Mudzimu. Tshifanyiso tshi vhone tsha Vhuhone ha Nnyi? Ha Mudzimu. Oo, izwi ndi a zwi funa!

. . . kana *tshifanyiso tshi vhone tsha muthu wawe, nahone o hwala zwithu zwoṭhe nga ipfi. . .*

Khezwo-ha. Ipfi, ḷi hwalaho zwithu zwoṭhe. Yesu o ri, kha Mateo 24, “Maṭadulu na ḷifhasi zwi ḍo lovha, fhedzi Ipfi ḷanga a ḷi nga lovhi.” O hwala zwithu zwoṭhe.

113 Saints i lingedza u Zwi tsitsela fhasi, nahone ya ri, “Ndi Bugu ya kale. Yo ṭalutshedzwa.”

114 Na tshivhidzo tsha Katolika ya Roma, Bishopo Sheen o ri, “Izwo zwo ṭalutshedzwa luṅa kana luṭanu u ya nga u fhambana, nahone a hu na zwinzhi Khazwo. Ni nga si tshile Ngazwo arali ni tshi tea u ralo.” Fhedzi O hwala zwithu zwoṭhe nga Ipfi ḷawe. Amen. Ndi zwenezwo zwine nda elekanya Ngazwo. Ndi tenda Bivhili.

. . . *ipfi ḷa maanda awe, (hu na maanda kha Ipfi), musi ene muṅe o ṭanzwa zwivhi washu, . . . (lavhelesani hafha) . . . a dzula fhasi tshandani tshaula tsha Vhuhulwane ha ṭadulu-ṭadulu;*

115 Paulo u khou lingedza u ita mini? U khou lingedza u sumbedza uri Mudzimu o vha na ndivho ya zwoṭhe kha Kristo, nahone Kristo o vha a tshifanyiso tshi vhone tsha Mudzimu. Ndima yoṭhe i shumana na zwa uri O vha a nṭha ha Vharuṅwa hani, nṭha ha maanda oṭhe. Vharuṅwa vho Mu losha. Paulo o vha a tshi khou lingedza u Mu hulisa.

116 Zwino, ndo vha ndi khou ṭoda u lingedza. . . Arali nda sa fhirisa hafha, inwe yoṭhe ndi malugana na u huliswa ha Kristo. Zwe Paulo a amba hafha, vhunga kha ndima ya vhu 11, na zwoṭhe malugana na u amba nga shango. O ri, “Ndi—ndi ufhio Muruṅwa we A amba, ‘Iwe u Murwa Wanga, ḷino ḍuvha Ndo U beba?’” Ni a vhona?

117 “Vhufhelo ha shango, vha do lovha. Shango li do lovha. Fhedzi lone . . . Na zwithu zwothe zwa lino shango zwi do lovha. U do zwi peta vhunga tshifuko. Zwi do vha zwa kale, nahone zwa shandukiswa, huno zwa fhela. ‘Fhedzi Iwe u do sala. Iwe u dzula u hone u ya nga hu sa fheli. Iwe u Murwa Wanga. Nga lino divha Ndo U beba, nahone a u nga lovhi, o dzula kha tshanda tshaula tsha Vhuhulwane.’”

*Tshanda tshaula* zwi amba mini? Hu si, Mudzimu u na tshanda tshaula tshine muñwe muthu o dzula khatsho. *Tshanda tshaula* zwi amba “maanda na ndaulo,” u na ndaulo ya zwithu zwothe zwi re Taḍulu na kha lifhasi. Nahone Maṭaḍulu othe na lifhasi zwo sikwa nga Ene.

118 Zwino, Uyu muhulu ndi Nnyi, uyu Muthu muhulu, Kristo? Hafha, Mudzimu ndi Khotsi, Murwa, na Muya Mukhethwa, a zwi ngo ralo . . . Ndi vhuraru, fhedzi a Si vhuraru ha vhatshu. Ndi vhuraru ha ofisi, dza Mudzimu muthihi.

119 O vha a Khotsi a tshi khou rangaphanda vhana vha Isiraele. Iyo yo vha i ofisi Yawe, Yehova Khotsi muhulu. Huno O dzula kha lifhasi, a vhidzwa Murwa. Huno zwino U dzula kha Tshivhidzo Tshawe, a tshi vhidzwa Muya Mukhethwa. A Vhomudzimu vhararu; Mudzimu muthihi kha ofisi tharu: Khotsi, Murwa, na Muya Mukhethwa.

Vhatshu vha lingedza u Mu ita Midzimu miraru yo fhambanaho, Mudzimu Khotsi. Ndi ngazwo, Vhayuda, ni nga si vhuye na ralo, ni nga si dize hezwi kha Muyuda, hai, izwo afho. A nga si ralo. U na mulayo, uri, “Ndi Mudzimu Muthihi.” Hu tou vha na Mudzimu muthihi.

120 Ngei Afurika vha lovhedza nga ndila tharu dzo fhambanaho: vha lovhedza luthihi u itela Khotsi, na luthihi u itela Murwa, na luthihi u itela Muya Mukhethwa. Vharumiwa vha Lutendo lwa Vhuapostola, vha lovhedza luraru, tshifhatuwo tsho livha phanda, u itela lufu Lwawe. Zwine vha vhidza Mafhungo maḍifha o Fhelelaho ngei Phendelashango ya Vhukovhela, kana Phendelashango ya Vhubvaḍuvha, vha lovhedza luraru nga tsha murahu, vha ri O . . . u itela u switwa Hawe.

Huno o ri, “Musi A tshi fa, O wa nga tsha phanda.”

121 Muñwe a ri, “Imani. Ni tea u swita muthu nga mutana wawe.” Kuitele kwa kale, musu, vhothe vho khakha; vhothe vho khakha, u ya nga Luñwalo.

*Ino* ndi Urim Thummim. I ya zwi dzudzanya.

122 Zwino, hafha, kha ri wane izwo nahone ri vhone uri zwi— zwi vhonala sa mini, madekwana a namusi. Khezwi afha, arali ni tshi khou toda u zwi vhona. Kha minwaha yothe ya fumbili- thanu ndo vha mushumeli, izwo ndo zwi guda. Huno ndo dzulela u divhudzisa nga mpho tshivhidzoni. Idzo mpho ndi mini? Tshiporofito, u amba nga ndimi, u talutshedza dzindimi,

nzumbululo Khethwa, na zwiñwe zwinzhi, izwo zwoṭhe zwi ḍa nga Kristo.

<sup>123</sup> Zwino lavhelesani. Kristo ndi Ṭhoḥo ya zwithu zwoṭhe. Huno Ndi Ṭhoḥo ya Tshivhidzo. Huno no no vhuya na vhona daimane khulwane? Daimane khulu ndapfu yo tumulwaho nga ṇḍila yone, i na zwipiḍa zwiṭuku zwo bvaho khayoy, zwo tumulwaho khayoy. Izwo zwi ita uri daimane i vhe yone. Zwiḍiḍa ndi zwa mini? Daimane ya vhukuma, nga ṇḍila ine ya bva ngayo, yo kwashiwa; daimane ya vhukuma, musii tshi wanala.

Ndo vha ndi ngei Kimberley. Vhoinwi, vhunzhi ha vhoinwi, no zwi pfaho uri ni nga doba daimane tshitaratani, ndi zwone. Billy na nḡe, na Vho. Bosworth. Phuresidentē wa migodi ya daimane dza Kimberley, vho dzhia... Vho vha vha muthusi wanga kha muṭangano afho. Huno vha ri dzhia. Huno u tou bva kha... Vho dzi gwa, oo, u yela kha maga a maḍana a fumisumbe fhasi ha ḷifhasi. Vho bva, na tombo ḷa muvhala wa lutombo, ḷihulu ḷa muvhala wa lutombo, u tou fana na matombo a muvhala wa lutombo ane na a wana u mona na fhano. Huno avho vhadzulapo, vha vha vheya kha maga a maḍana a fumisumbe ngomu mavuni, uri vha a gwe, uri vha gonyise mutengo. Ni nga ralo u ya mulamboni henefho, vho ita uri a lindiwe lwa maela dza maḍana. Dzhiani mabakete mavhili a tshileme tsha fumi, a ri, huno ni a hwala, o ḍala wone—wone muṭavha, huno arali na swika hayani nawo, ni ḍo vha tshigwili, hu ḍo vha hu na daimane nanzhi khawo. Fhedzi vha tea u shuma na u dzi gwa, uri mutengo u engedzeye khavho.

<sup>124</sup> Zwino, daimane, musii tshi bvelela, i tou vha khulu, i suvhelelaho, yo monaho, vhunga, tshipiḍa tsha ngilasi. Hu na daimane ya muvhala wa lutombo, daimane ntswu, muroñwe, na daimane i vhonadzaho, daimane tshena. Fhedzi musii dzi tshi bva... Zwenezwo musii tshi itwa nahone ya thoma u shumiswa, hu na tshipiḍa tshine heyo daimane ya tea u tshi lozwa. Huno i tea u lozwa zwone—zwone zwipiḍa khayoy. U bvisa zwipiḍanyana, ngauri, musii tshi ḍa kha tshedza, sa izwo, i ita ṭhase. Tshipiḍa, tshine tsha ita ṭhase, ndi nga ṇḍila ine ya tumulwa. I tumulwa, u tumulwa, huno-ha, musii i tshi ralo, i bveledza ṭhase. Huno tshinwe tshi ḍo bveledza tshedza tshidala, inwe ya bveledza tshedza tsha lutombo, huno khañwe inwe, tshedza tsha muroñgwe, na tshedza tshitswuku. Zwiedza zwo fhambanaho zwi bva khayoy, vhunga muvhala ya musengavhadzimu. Vha zwi vhidza, “mulilo kha daimane.”

<sup>125</sup> Zwino, tshinwe na tshinwe tsha hezwo zwiedza tshi fanyisa mpho. Fhedzi ndi, fhedzi, Kristo ndi Daimane. Huno Ndi Ene We a ḍa, huno a rwiwa, a ṭhuphiwa, na u tumulwa, uri A Ḍivhonadze sa Tshedza kha shango. Ndi ene Daimane Khulwane.

<sup>126</sup> Naa ni nga ralo u limuwa, phanḍa ha musii hu sa athu u vha na ḷifhasi, phanḍa ha musii hu sa athu u vha na tshedza, phanḍa

ha musu hu sa athu u vha na ñaledzi, phanda ha musu hu sa athu u vha na tshithu? Hu na Tshisima Tshihulu tshi elaho, tsha Muya, huno kha itsho Tshisima ha bvelela lufuno lwo kunaho, ngauri ho vha hu si na tshithu tsha uri lu bve khatsho hu si nga lufuno. Zwino, riñe, zwine ra zwi vhidza lufuno, ñamusi, ndi lufuno lwo shandulwaho. Fhedzi musu ri tshi tou wana mvelo, kana zwiñuku zwa ulwo lufuno ngomu hashu, zwi shandukisa kuhumbulele kwashu kwoñhe.

127 Huno heneffho ha bvelela kuñwe kudambwana, u bva kha hetshi Tshisima tshihulu, Daimane, huno kwa vhidzwa u pfi u luga, u luga ho fhelelaho. Zwino, ndi ngazwo ri tshi tea u vha na mulayo. Ndi ngazwo mulayo u tshi tea u vha na khañhulo. Arali hu si na khañhulo i tevhelaho mulayo, mulayo a u thusi. Huno musu khañhulo yo ñetshedzwa nga mulayo, zwine zwa ñisa lufu, huno a hu na ane a kona u badela tshigwevho fhedzi Mudzimu Ene muñe. Huno O badela tshigwevho tsha lufu lwashu, nahone a hwala zwiñvi zwashu kha Ene muñe, uri ri vhe vho lugaho vha Mudzimu nga Khaye.

128 Zwino, musu hetshi Tshedza tshihulu tshi tshi bva, kana masana mahulu a Muya: lufuno, mulalo, ho vha hu tshi tou vha na zwenezwo, Izwo. Ho vha hu si na u tambula. Ho vha hu si na—hu si na vengo, kana tsinyuwo; zwo vha zwi nga si bve kha hetshi Tshisima. Uyo o vha a Yehova. Uyo o vha a Yehova Mudzimu. Huno zwino, vhunga vhorathiolodzhi vha tshi zwi vhidza, u fana he ha bva kha Itsho, tsho tsha vha tshi tshi vhidzwa, kha Luñwalo, yone “Logos,” yone Logos ye ya bva kha Mudzimu. Zwi ya konða u ñalutshedza, fhedzi Yo vha i tshipiña tsha Mudzimu.

129 Zwino, zwo iteaho ndi hezwi. Oo! Mpfareleni. Ndi—ndi—ndi kha ñi tou bva u dzhena kha hezwi, hezwi zwi tou ntswikisa hune nda zwi funa. Ni a vhona? Logos, huno hetshi Tshisima tshihulu, hetshi Tshisima tshihulu tsha Muya u si na mathomo kana u si na magumo; hoyu Muya muhulu wa thoma u vhumba, kha tsiko, huno Logos ye ya bva Khawo yo vha i Murwa wa Mudzimu. Tsho vha tshi tshone tshivhumbeo tshi vhonehalaho tshi tshoñhe tsho Muya wa vha natsho. Huno yo vha i theophany, zwine zwa amba muvhili, huno uyo muvhili wo vha u tshi nga muthu.

130 Mushe o U vhona musu U tshi fhira kha . . . tsini—tsini na tombo. Huno a U lavhelesa, a ri, “U vhoneala vhunga muñana wa muthu.”

Ndi lushaka luthihi lwa muvhili un era u ñanganedza musu ri tshi fa fhano. “Arali ino thabarenakeñe ya ñifhasi ya thuthwa, ri na inwe yo ri lindelaho.” Wo vha u Wonoyo. Huno iyo yo vha i theophany ye ya vha i Murwa wa Mudzimu. Uyo Murwa, Logos, ya vha ñama, ngauri ro vheiwa ñamani. Huno theophany, Logos, ya itwa ñama, fhano vhukati hashu, nahone yo vha i si tshiñwe tshithu fhedzi fhethu ha u dzula, ngauri itsho Tshisima tshoñhe

tsho dzula Khae. Oo, ni a zwi vhona? Khezwo henefho. Ho vha hu Onoyo, uyo, kha. . .

<sup>131</sup> Lavhelesani hafha. Kha ri vule zwino nga u țavhanya kha Vhahevheru, ndima ya 7, lwa tshikhalanyana tsha—tsha tshilidzi, Mudzimu a tshi funa. Kha ri vhone uri zwi vhone sa mini hafha. Abrahamu!

Ri na tshifhinga tshingafhani? Ri na miniti ya fumi. Zwo luga. Ri lavhelesa hezwi, zwenezwo ra zwi fhedzisa i tevhelaho, i tevhelaho, kana nga Swondaha, Murena a tshi funa.

<sup>132</sup> Abrahamu o vha a tshi khou vhuya u vhulaya khosi.

*Ngauri hoyu Melikesedeke, khosi ya Saleme, . . .*

Ndi vhangana vhane vha ñivha uri ndi gai, ndi nnyi, uri Saleme zwi amba mini? Yerusalema.

*. . .khosi ya Saleme, mukololo wa Mudzimu wa țadulu-țadulu, we a țangana na Abrahamu a tshi vhuya u vhulaya khosi, nahone a mu fhatutshedza;*

Thetshelesani.

*Ane Abrahamu o mu lwaha nga mukovhe muthihi kha ya fumi ya thundu yawe yothe; ane nga țhalutshedzo a pfi Khosi ya u luga, . . . a dovha a pfi yone khosi ya Saleme, zwine ndi, yone Khosi ya mulalo;*

*Ha na khotsi, ha na mme, ha na lushaka lwawe, ha na na u ranga ha mađuvha, kana u guma ha vhutshilo; . . .*

<sup>133</sup> Khosi yo bva fhasi ngei Saleme, huno ya țangana na Abrahamu a tshi khou bva u vhulaya khosi. Huno heyi Khosi yo vha i si na khotsi, i si na mme, i si na u ranga ha mađuvha kana u guma ha vhutshilo. Naa Abrahamu o țangana na nnyi? Zwino elekanyani. O vha a si na khotsi; O vha a si na mme. Ho ngo vhuya a vha na tshifhinga tshe A thoma, nahone Ha nga vhuyi a dovha a vha na tshifhinga tshine A ño guma, ngauralo heyo Khosi nthihi ya Saleme i tea u vha i tshi khou tshila na ñamusu. Amen. Ni a zwi vhona? Ho vha hu heyo theophany ye ya vha i Murwa wa Mudzimu. Saleme ndi mini? Iyo Yerusalema ya ngei Nțha, ine Abrahamu, nge a fhatutshedzwa, o vha a khou zwimana nayo, u wana, a tshi khou lingedza u wana Dorobo ine Mufhați na Muiti wayo ndi Mudzimu. O ținga-ținga kha mukumba wa mbudzi na mukumba wa nngu, hothe-hothe, a tshi țungufhadza, a tshi khou ținga-ținga, nahone o vha a tshi khou țoda Dorobo ine Mufhați na Muiti wayo ho vha hu Mudzimu. Huno a țangana na Khosi ya Saleme, a tshi tsela fhasi, huno a Mu badela tshithihi kha zwa fumi zwa thundu yawe yothe. Amen. Ndi Onoyo. Oo, Mukomana Graham, ho vha hu Onoyo. Ho vha hu Onoyo.

Abrahamu o do vha a Mu vhona. Liñwe ñuvha o dzula ngomu ha dennde. A lavhelesa, hu tshi bevelela henefho, huno a vhona vhanna vhararu vha tshi bevelela.

134 Ni a ñvha, hu na tshinwe tshithu kha Mukriste, tshine u ya kona u ñvha Muya musi a tshi U vhona. Musi a . . . U sokou zwi ñvha. Hu tou vha na tshinwe tshithu tsha Tshimuya ngazwo. Zwithu zwa Tshimuya zwi ñalukanya lwa Tshimuya. Ni a ñvha. Ee, u sokou kona u zwi amba, arali o bebwa hafhu zwavhukuma. “Nngu Dzanga dzi ñvha Ipfi Langa.”

135 Huno o zwi ñvha uri ho vha hu na tshinwe tshithu. A gidimela nnda nahone a ri, “Dzhenha nga ngomu, Murena wanga. Dzula fhasi. U imenyana. Ndi ño u wanela morsel ya vhurotho huno nda vhu vheya tshandani Tshau. Ndi ño ñanzwa milenzhe Yau. Ðiawedze, zwenezwo u kone u isa phanda na lwendo Lwau, ngauri Wo—Wo ña u ndalela.” Nña kha shango lo omaho, a tshi dzhia ndila i kondaho, ndila i na vhatuku vho nyadzwa vha Murena.

Ngeno, Loto o vha a tshi khou tshila lupfumoni, muñuhulu fhasi afho, fhedzi o vha a khou tshila tshivhini. Ndi zwine lupfumo lunzhi lwa bveledza tshone tshivhi.

136 Ngauralo Abrahamu a vha bveledza, musi a na mañi mañuku nahone a ñanzwa milenzhe Yavho. A gidimela kha namana, huno a dzhia namana yo khwañhaho dangani, huno a i vhulaya; a i ñetshedza mulanda, u ri a i kumedze. Huno a ri, “Sara, lugisa vhukhopfu hau.”

Ni a ñvha uri u lugisa, ndi mini, zwine zwa amba zwone. Ni a ñvha, mma vho vha vha tshi anzela u vha na ya kale, tshinwe tshi ngaho tshizeke, vho vha vha tshi vha vha na—vha na zwiliwa kha ravha. No no vhuya na vhona linwe lao li na sefo? Huno hu vha hu na tshizele ngomu henefho, ni fhefhere vhukhopfu, ni a ñvha, huno la lemela sa *zwenezwo*, nahone na vhu fhefhera, nga u ralo. Ndo no vhona mma vha tshi zwi ita, zwifhinga zwinzhi, yone wedge, i na tshithu tsho monaho tshine tsha vha na tshivhoni tsha ñaraña khatsho. Vho vha vha tshi dzhia hovho vhukhopfu huno vha vhu sefa sa *zwenezwo*, ni a ñvha, nahone vha vhu tekatekisola phanda na murahu, sa *zwenezwo*. Huno-ha vha dzhia tshizele vha i fhefhera nga u ralo, sa *zwenezwo*, uri vhu fhire hoñhe. Huno ndi hone-ha he ra vha ri tshi tsela fhasi huno ra isa vhukhopfu hashu kha tshigayoni tsha kale tsha u gaya; phanza khulwane dza kale, ni a ñvha, dzi tshi lemela, dzi ita thoro ya vhukuma ya vhurotho. Na ni tshi ralo u kona u vhona mathanda ñvha loñhe, khayoy.

137 Ngauralo-ha, a ri, “Lugisa zwiliwa, nga u ñavhanya. Huno u ite magwinya henefha kha honnndo, nga u ñavhanya.” Huno vha hama kholomo huno vha wana mafhi. Huno vha a wana, vha u mina, huno vha dzhia boñoro. Huno-ha vha ya vha vhulaya namana huno vha wana nama, huno vha otsha nama. Vha dzhia boñoro na mafhi, vhurotho, huno vha dzhia boñoro ya u ñodza kha magwinya a fhisaho. Oo, izwo ndi zwavhuñi nga maanda.

Huno vha i fhoma yothe henefho. Huno a bva nayo, huno a i vheya fhasi kha havha Vhanna vhararu.

<sup>138</sup> Huno musu Vha tshi khou la, Vha ralo vha tshi dzulela u lavhelesa Sodoma. Huno ho no fhela tshifhinganyana, Vha takuwa nahone vha thoma u tshimbila vha tshi tuwa. Huno A ri, “Abrahamu . . .” A ri, “A u nga ndzumbeli.”

<sup>139</sup> “Ndi nga si zwi dzumbele iwe zwine Nda khou ya u ita. Ndi khou tsela fhasi henefho. Zwivhi zwa Sodoma zwo swika ndevheni Yanga.”

Uyo Munna o vha a nnyi? Buse hothe u mona na zwiambaro zwawe, nahone o dzula henefho a tshi khou la nama ya namana, na u nwa mafhi a kholomo, na u la vhuwe vhurutho ha domboro, na bođoro. Uyu Muṭhannga a so ngo doweleyaho ndi nnyi? Vhavhili, kana vhuraru Havho, vho dzula henefho. Buse hothe u mona na zwiambaro Zwawe. Oo, ee, “Ri bva Shangoni la kule.” Ee, kule-kule. Huno A ri . . . Zwo luga, Vho vha vha vho Nnyi?

<sup>140</sup> A ri, “Ndi nga si dzumbele Abrahamu, ndi tshi vhona uri ndi ene muḷaifa wa lifhasi.” Amen. “Ndi dzumbulula zwiphiri Zwanga,” nga maṅwe maipfi, “kha havho vha re vhaḷaifa vha lifhasi.” Ndi hone hune Tshivhidzo tsha tea u vha tshi hone namusi. Ndi zwone. Wanani Zwiphiri zwa Mudzimu, divhani uri ni difara hani, na u tshila, na zwine na tea u ita, na kutshimbilele, na kutshilele. Ri vhaḷaifa vha lifhasi. Ndi zwone. U Zwi dzumbululela vhozwi, ngauri Ha nga koni u dzumba tshithu. Ndi ngazwo ri tshi khou lavhelesa hezwi zwithu zwi tshi khou vuledzeya.

Shango li ri, “Aah, itsho ndi tshigwada tsha vhusweleli.” Vha litsheni vha zwi ambe. Vhaḷaifa vha lifhasi vha a divha hezwi zwithu. [A hu na tshithu kha theiphi—Mudz.]

. . . ngauri vha do vhidzwa u pfi vhana vha Mudzimu.

*Vhamashudu ndi avho vha na vhulenda: ngauri vha do vha vhaḷaifa vha lifhasi.*

U divhadza zwiphiri Zwawe khavho, u zwi dzumbulula khavho, a tshi vha sumbedza zwine vha tea u ita na ndila ine vha tea u tshila ngayo, vha tshi tutshela zwithu zwa shango; vha tshi tshimbila nga ndila mbuya na u tshila luvhuya, kha shango la zwino, vha tshi tshimbila Nae. Litshani shango li ambe zwine la khou tođa u amba.

<sup>141</sup> Ngauralo A ri, “Ndi nga si dzumbele hetshi tshiphiri Abrahamu, ngauri, ndi ene muḷaifa wa lifhasi. Fhedzi,” A ri, “Ndi khou ya u tshinyadza Sodoma. Ndi khou tsela fhasi.”

<sup>142</sup> “Ni khou u ya u ita mini, Muhulisei? Ni bva ngafhi? Ndi malugana na mini?”

<sup>143</sup> A swika kha u wanulusa, A ri, “Huno tshiṅwe tshithu, Abrahamu, wo lindela lwa miṅwaha ya fumbili-ṭhanu uri Ndi u neye heyi pfulufhedziso. Wo no onyana maṭo, zwone—zwone



zwiperete na zwothe, u tshi itela ulwu lushie, minwaha ya fumbili-ghanu yo fhiraho. U tshe wo lindela Nne. Zwino Ndi khou ya u u dalela, nga tshifhinga tsha vhutshilo, zwi tshi tevhedza, tshifhinga tsha vhutshilo, nwedzi u daho Ndi do vha ndi na iwe.”

144 Huno Sara, murahu kha dennde. Huno hoyu Muthu o vha o rembulusa mutana Wawe wa furalela dennde, a tshi khou amba na Abrahamu, vhunga *hezwi*. Huno Sara a thoma, “Haa!”

145 A ri, “Ndi mini tsho itaho uri Sara a seye?” Ha-ha-ha! Mini-ha nga izwo? Izwo zwo ha zwi mbalamuhumbulonyana, naa zwo vha zwi so ngo ralo? “Ndi mini tsho itaho uri Sara a seye?”

Sara a ri, “Hai. A tho ngo vhuya nda seya.”

146 A ri, “Oo, ee, wo ralo.” O vha o tshuwa. O vha a tshi khou tetemela. Ndi nnyi Uyo, we a vha a tshi kona u divha zwe a vha a tshi khou ita ngomu denndeni? Uyo ndi Uyo Mudzimu a sa shanduki ane a vha na rihe namusi. Ene a sa shanduki. U divha zwothe malugana nazwo. Ni a vhona? U tou zwi dzumbulula musi ni na thodeya. Ni a vhona?

147 “Ni khou sea mini?” Ni a vhona, mutana Wawe wo livhana nalo. Bivhili izwo yo zwi bula, u ri, “Mutana Wawe wo vha wo furalela dennde.” Fhedzi, O vha a tshi zwi divha. “Zwine a vha zwone, murahu afho, a tshi khou ita *hezwi*, ni a vhona?”

Ngauralo, A ri, “Ndi khou ya u u dalela.”

148 Uyu Mutannga a so ngo doweleyaho ndi nnyi? Ni a divha zwe zwa itea? A ya nda henefho huno a ngalangala. Huno Bivhili i ri Uyo o vha a Mudzimu Ramaanda, Yehova, tshila Tshisima tshihulu, ila Thiofani, ila Logos.

149 Muñwe mureri o amba na nne, tshinwe tshifhinga tsho fhiraho, a ri, “Mukomana Branham, u nga si vhe u tshi khou elekanya uri uyo o vha a Mudzimu, u nga ralo?”

150 Nda ri, “Bivhili yo ri Ho vha hu Mudzimu, Elohim.” Zwine, O vha a Mudzimu Ramaanda, El Shaddai, ndi zwone, Muñeyi wa Nungo, Mufushi. Amen.

151 Oo, ndi pfa ndi wa vhurereli! Elekanyani ngazwo. Khezwi afha, U hone. Zwino ndi khou ya u ni sumbedza uri U Nnyi hafha, zwenezwo ni do kona u vhona uri Murwa ndi Nnyi. Uyo o vha a Yesu, phanda ha musi A tshi vha na Dzina la muthu, “Yesu.”

152 A ima henefho tshisimani liya divha. Huno vhothe vho vha vha tshi khou nwa, ni a divha, huno, “Ngauri maði o vha a sogani,” na zwithu zwi ngaho izwo. A ri . . . Vho vha vha tshi khou la mana na zwinwe. Vha ri, “Vhokhotsi ashu vho la mana ngei sogani, lwa minwaha ya fuiña.”

153 A ri, “Huno vho ralo, muñwe na muñwe wavho, u fa.” A ri, “Ndi nne Vhurotho ha Vhutshilo vhu bvaho ha Mudzimu, ngei Tadolulu. Uyo ane a la hovhu Vhurotho ha nga fi.”

154 A ri, “Zwo luga, vhokhotsi ashu vho nwa kha hoyu Muya, u bva kha Tombo la tshimuya le la vha li sogani, le la vha tevhela.”

155 A ri, “Ndi nne ilo Tombo.” Vhugala! Yohane Mukhethwa, ndima ya 6.

“Ngani,” vha ri, “mini?”

“Ee. Ndi zwone.”

156 “Ngani,” a ri, “No ralo . . . A u athu u swikisa na minwaha ya futhanu.” Zwo tou ralo, mishumo Yawe yo Mu ita uri a vhone sa mukalaha, fhedzi O vha a tshi tou vha na ya furaru fhedzi. Vha ri, “U muthu a sa athu u fhira na minwaha ya futhanu, huno uri wo vhona Abrahamu, ane zwi vho dzhia minwaha ya madana a malo kana a tsho o lovha? Zwino ri a zwi divha uri u diabololo.”

157 A ri, “Phandha ha musu Abrahamu a tshi vha hone, Ndi Nne.” Khoyo henefho. Uyo Ndi Nne ho vha hu nnyi? Dzina la mirafho yothe. Uyo o vha a . . . ila Khavhu ya Mulilo kha tshitaka tshi dugaho, “Ndi Nne Ane A Vha Nne.” Khoyo O vha a henefho, ila Thiofani ye A i ita hafha, i tshi vhidzwa Murwa wa Mudzimu, ene Ndi Nne, Yehova.

158 Thomasi o ri, “Murena, ri sumbedze Khotsi huno zwi do ri fusha.”

159 A ri, “Ndi kale ndi na vhozwi, a ni Ndivhi?” A ri, “Musi ni tshi Mbona, no vhona Khotsi. Ngani ni tshi ri, ‘Ri sumbedze, Iwe, Khotsi?’ Nne na Khotsi ri Vhathihi. Khotsi Anga vha dzula kha Nne. Ndi tou vha thenerenakele i vhidzwaho u pfi Murwa. Khotsi vha dzula kha Nne. A si Nne ane a ita mishumo, ndi Khotsi Anga vhane vha dzula kha Nne. Ndi vhone vha itaho mishumo, a si Nne.”

160 Zwino, o ima murahu henefho, hafhu, Mushe o Mu vhona, mutana Wawe, a ri, “Zwi vhone vhunga mutana wa muthu,” Logos ye ya bva kha Mudzimu.

161 Zwenezwo ha itea mini? Hoyu o vha a Mudzimu. Huno mbuno ya uri O bva kha Logos a da kha nama . . . Mini . . . ? Ni ralo hani . . . ? Ho itea mini kha izwo? Miniti mitanu phanda ha izwo, O vha a . . . O vha a Logos. Fhedzi O ita mini? O tou swikelela . . .

162 Zwino, mivhili yashu yo itwa nga elemente dza fumirathi dzo fhambanaho dza shango. Izwo ri a zwi divha. Yo itwa nga pfushi, na—na yone—na khalishiamu thukhu, na—na phetiroliamu, na tshedza tsha kosimiki, na athomo, na zwinwe. Zwothe zwo tanganyiswa, huno zwa ita uno muvhili, wa bva kha buse la lifhasi. Ni la zwiliwa. Musi ni tshi la zwiliwa, zwine zwa shanduka zwa vha . . . u bva buseni, nahone zwi bva buseni, huno zwa sokou—zwa sokou ralo u isa phanda. Nama yanu, ngauri nama yanu, a i ngo fhambana na ya bere, kana na kholomo, kana tshinwe tshithu-vho. I kha di tou vha nama zwayo.

163 Huno, mutukana, ni hulisa nama; fhedzi hoyo muya u na tshirunzi ngomu afho, murathu wanga. Ndi zwone. Fhedzi nama yaṅu i tou vha buse la lifhasi, vhunga phukha. Nama yaṅu a si tshinwe tshithu fhedzi phukha. Huno arali na emula nama na zwithu zwine na vhona, u emula vhasadzi, u emula hezwi zwithu zwo fhambanaho, zwi kha di vha phukha. Ndi zwone. Ndi zwone. Izwo a ni tei u zwi ita. Muya wa Mudzimu u do ni rangaphanda nahone wa ni gonyisela ntha u fhira afho. Izwo ndi zwone kokotolo.

164 Zwino, huno hafha, heyi Thiofani khulu yo imaho hafho. Mini. . . Uyo Yehova Mudzimu muhulu, ni a divha zwe A amba? O tou swikelela a kumba athomo nga tshanda, a dzhia tshedza tshituku, huno a tshi shela ngomu, sa hezwi, a tuwa, “Fhuu,” muvhili, huno a sokou dzhena khawo. Ndi zwenezwo fhedzi.

165 A ri, “Ida hafha, Gabriele,” Muruṅwa muhulu. A ya, “Fhuu.” “Dzhena ngomu hafha.”

166 “Ida hafha, Mikaele,” Muruṅwa thungo Yawe ya tshaula. “Fhuu.” Ngauri. . . “Iwe dzhena ngomu hafha.”

167 Mudzimu, na Vharuṅwa vhavhili, vho tshimbila fhasi hafha vhe kha nama, nahone vha nwa mafhi a kholomo, vha la boḍoro i bvaho kha mafhi, nahone vha la na vhurotho, nahone vha la nama ya kholomo. Vharuṅwa vhavhili na Mudzimu. Bivhili yo ralo. Uyo ndi Melikesedeke, we Abrahamu a tangana nae, a tshi khou bva u vhumela khosi. Uyo ndi Murwa wa Mudzimu.

168 Mudzimu a phanda, hafha kha Vhahevheru, ya vhu 7, i ri, “Fhedzi o itwa hu tshi tevhedzwa Murwa wa Mudzimu.” Khoyo U henefho. O ita zwithu zwothe Ngae. Huno A tshimbila nda henefho, huno a sokou shandukisa ilo buse la humela murahu kha u vha buse hafhu, huno a humela murahu Vhugalani.

169 Huno Vharuṅwa, musi Vha tshi tou vhofholola Loto na Vhomme. Loto, huno a isa phanda na u lavhelesa murahu. A ri, a vha vhudza uri vha so ngo zwi ita hafhu. Huno Vha humela murahu kha hone—hone Vhuhone ha Mudzimu.

170 Zwino, ri na fulufhelo lihulu hani kha ulwu Lutendo luhulu lune ra lu shumela madekwana a namusi! Mudzimu a tshilaho, Yehova, Khavhu ya Mulilo, i na riṅe. U Disumbedza kha maanda, na kha nyito, nahone a hulisa. . . Vha tendeleni vha dzhie Tshifanyiso Tshawe, Yehova muthihi. Murwa wa Mudzimu we a bva kha Mudzimu, a humela murahu kha Mudzimu, nahone a dzula kha Tshivhidzo Tshawe u ya nga hu sa fheli. Khoyo U henefho.

171 U na madzina ashu kha Bugu Yawe, na muano we a ralo nga Ene muṅe, ngauri a hu na muhulu ane A nga ana ngae, uri U do ri vusa nga duvha la u fhedza. “Uyo ane a la Nama Yanga, nahone a nwa Malofha Anga, u na Vhutshilo Vhu Sa Fheli, nahone Ndi do mu vusa nga duvha la u fhedza. Uyo ane a da ha Nṅe, Ndi nga si mu pandele. Uyo ane a pfa Iphi Langa, nahone a tenda kha

Uyo o Nthumaho, u na Vhutshilo Vhu Sa Fheli, nahone ha nga ði khaṭhuloni, fhedzi o fhira u bva lufuni o ða Vhutshiloni.”

172 Uyo Muthihi o ralo u kona u swikelela a kumba khaḷishiamu na pfushi nga tshanda, a ṭuwa, “Fhuu,” huno khezwo hafhu. Huno dzina ḷanga ḷi kha Bugu Yawe. Hoo-hoo! Hoo-hoo-hoo-hoo! Ndi londa hani uri mashada anga a khou khothea, uri ndi kalaha hani? A thi ralo. A thi vhilaheli na zwiṭuku-ṭuku.

173 Mukomana Mike, ḷiṅwe ḷa haya maḍuvha, mbilu yau i fhaṭutshedzeye, murathu, musi iyo phalaphala khulu i tshi ḍo ḍa, uyo muungo, huno Yosefa u ḍo bvelela. Haḷeḷuya! U ḍo ri, “Vhana!” “Fhuu.” Ri ḍo bvelela heneffho, ro itwa u fana Nae; ri vhaswa u ya nga hu sa fheli, u aluwa zwo fhira; malwadze, mathada, maṭungo o fhela. Vhugala kha Mudzimu a tshilaho!

174 Ndi Ene A amba ngaye, ṅamusi, Murwa Wawe. “Tsha kale na kale na nga zwikhathi zwo fhambanaho O amba nga muporofita, fhedzi kha ḷino ḍuvha ḷa u fhedza nga Murwa Wawe, Kristo Yesu.” U amba na mbilu ya muthu muṅwe na muṅwe we A mu vhidza. Arali no no vhuya na pfa Iphi ḷawe kana no Mu pfa a tshi khokhonya mbiluni yaṅu, ndi a humbela uri ni so ngo Zwi landula.

Kha ri rabele.

175 Khotsi wa Ṭaḍulu, madekwana a ṅamusi, vhunga ro takalela nga maanda u ḍivha, kha u vulwa ha hovhu Vhurifhi ha Vhahevheru, uri Paulo o humela hani murahu kha Mafhungo maḍifha. O vha a nga si sokou zwi dzhia sa mavharivhari kana kha tshenzhemo. O ṭoda ri tshi ḍivha zwe zwa vha zwi Ngoho. Huno a humela murahu kha Mafhungo maḍifha, nahone a...murahu kha Thestamente ya Kale, Mafhuno maḍifha o rerwaho khavho. Huno a vhona, nga Thestamente ya Kale heneffho, mirunzi yoṭhe na zwifanyso. Ndi ngazwo ri na heyi Bugu khulwane ya Vhahevheru madekwana a ṅamusi. Huno ri a I vhona, Murena, nahone ri a I funa. Huno kha zwikhathi, Yo fhiswa, Yo hasekanywa, Yo lingedzwa u ngalangadzwa, fhedzi A i ngo ralo u shanduka. Ngauri Iwe wo ri, “Maṭaḍulu na ḷifhasi zwi ḍo lovha, fhedzi Iphi ḷanga a ḷi nga ralo.”

176 Zwenezwo vhatimatimi vha ḍo ri, “Zwo luga, wo ri, ‘Paulo o ṅwala hezwi.’” A si Paulo, fhedzi Mudzimu we a vha a kha Paulo; hoyu Muthu wa vhutsila we a vha a ngomu ha Paulo.

177 Vhunga o vha a kha Davita, musi a tshi ri, “A thi nga tendeli Ene Mukhethwa Wanga a tshi vhona u sina, nahone A thi nga litshi muya Wawe heleni.” Huno Murwa wa Mudzimu o dzhia hayo Maipfi u bva kha muporofita, nahone a ya marumbini a hele. Hunoa a ri, “Kwashani ino thabarenakeḷe, nahone Ndi ḍo I vusa nga maḍuvha mararu.” Huno A zwi ita, ngauri Iphi ḷa Mudzimu ḷi nga si kundelwe; na zwiṭukuṭuku zwi nga si kundelwe. Ri livhuwa Mudzimu hani nga izwi, ino Urim Thummim khulu, na u ḍivha uri tshenzhemo tshashu

madekwana a namusi, Murena, tshi taidza kha ino Bivhili hafha! Ro bebwa hafhu, ri na Muya Mukhethwa.

178 Mudzimu a funeaho, arali hu na munna kana musadzi ngomu fhano madekwana a namusi, mutukana kana musidzana, a sa athu u tanziela hezwi, vha do vuwa hani arali hu si na Vhutshilo ngomu afho? Oo, vho ri, “Ndi na Vhutshilo.”

179 Fhedzi Bivhili yo ri, “Uyo ane a tshila kha u diphina o fa ngeno a tshi khou tshila. Ni ri ni na Vhutshilo, fhedzi no fa. Ni tou diita unga zwo ralo,” Bivhili yo ralo, “uri ni na Vhutshilo, fhedzi no fa. Iwe uri wo pfuma nahone a u lili tshithu; fhedzi a u zwi divhi uri u ya shonisa, nahone u ya tungufhadza, nahone u fhedzi, nahone wo pofula, huno a u zwi divhi.” Huno iyo ndi nyimele ya zwividzo madekwana a namusi, Murena. Vho kundelwa hani nga izwi zwihulu, zwithu zwa ndeme.

U divha uri Yehova Mudzimu muhulu, Ane a kona u bvededza fhedzi nga. . . O ri, “Nndisele hedzo khovhe thukhu.” O tea u dzhia khovhe uri a—uri a ite tshinwe tshithu ngadzo. U sumbedza uri, mvuwo i tea u vha tshinwe tshithu, tsha u ita tshinwe tshithu ngatsho. Ho ngo ita khovhe fhedzi, fhedzi o bvededza khovhe dzo bikiwaho, na vhurotho ho bakiwaho. Huno a kanzwa vha zwigidi zwiṭanu nga khovhe thukhu ṭhanu. . . vhurotho vhuṭuku na khovhe mbili. O Murena, zwo vha zwi zwanḁani Zwawe, nahone O vha a Musiki. Fhedzi O tea u vha na tshinwe tshithu tshanḁani Tshawe.

Mudzimu, ngavhe ri tshi zwikumedza kha zwanḁa Zwawe, madekwana a namusi, nahone ri ri, “O Mudzimu, nndzhiye nga ndila ine nda vha ngayo. Huno musi magumo a vhutshilo hanga o swika, ntendele ndi tuwe na heli fulufhelo i re ngomu hanga, ndi tshi divha uri ndo bebiwa hafhu, nahone Muya Wau wo tendelana na nṅe, nahone wa tanziela na muya wanga, uri ndi murwa Wau, kana nwananyana Wau.” Huno nga ilo divha la u fhedza, U do vha vusa. Zwi tendele, Khotsi.

180 Huno musi ro kotamisa thoho dzashu, naa u hone ane a do imisa tshanḁa tshawe, a ri, “Nnyelelwe, Mukomana Branham, kha thabelo. Ndi khou toḁa Mudzimu a tshi nndivha musi. . . phanḁa ha musi ndi tshi tutshela lino lifhasi, uri A nndivhe nga maanḁa lune A do vhidza dzina langa. Ndi do fhindula.” Murena a u fhatutshedze murwa. Mudzimu a u fhatutshedze, na iwe; na iwe, mufumakadzi. Muṅwe-vho? Itanu imisa tshanḁa tshanu. Ni ri, “Nthabelele, Mukomana Branham.” Ndi zwine ra do ita. Mudzimu a ni fhatutshedze, mufumakadzi mutuku. Izwo ndi zwavhuḁi.

181 Zwino, musi thoho dzanu dzo kotamiswa, ni tshi khou rabela, ndi khou ya u imba ferese ya holwu luimbo.

Ni so ngo tama lupfumo lwa lino shango lu si  
 tshithu,  
 Zwine zwa țavhanya u sina,  
 Fhațani fulufhelo ļaņu kha zwithu zwa U Ya  
 Nga Hu Sa Fheli,  
 Zwi nga si vhuye zwa lovha.  
 Farelelani kha tshandā tsha Mudzimu tshi sa  
 shanduki.  
 Farelelani kha tshandā tsha Mudzimu tshi sa  
 shanduki.  
 Fhațani fulufhelo ļaņu kha zwithu zwa U Ya  
 Nga Hu Sa Fheli,  
 Farelelani kha tshandā tsha Mudzimu tshi sa  
 shanduki.

<sup>182</sup> Musi a tshi khou lidza zwino, na țhoho dzaņu dzo kotamiswa, itounu imisa tshandā tshaņu arali ni tshi nga ralo u kona, ni ri, “Ee, Murena, khetshi tshanga?” Zwi ɔo ita mini? Zwi ɔo sumbedza muya waņu, u re ngomu haņu, uri wo dzhia tsheo. “Ndi khou țoɔa tshandā Tshau, Murena.” Mudzimu a ni fhațutshedze, musidzana muțuku. “Ndi ɔo imisa tshandā tshanga.” Mudzimu a ni fhațutshedze, musidzana muțuku, fhasi hafha. Zwo luga, mufuņwa. Mudzimu, ni a ɔivha, o takala u ni vhona ni tshi ita izwo. “Tendelani vhana vhațuku vha ɔe ha Nņe.”

<sup>183</sup> “Ndi khou țoɔa, Mudzimu, Iwe u tshi fara tshandā tshanga. Huno nga ilo ɔuvha, ndi khou țoɔa u vha ndi tshandani Tshau; uri, musu U tshi vhidza, ndi ɔe.” Ee, sa zwe Łazaro a ita. Mudzimu a ni fhațutshedze, khaladzi.

Musi lwendo lwaņu lwo no fhela,  
 Arali no vha wa ngoho kha Mudzimu,  
 Haya haņu Vhugalani ndi ha vhuɔi nahone hu  
 ya penya,  
 Muya waņu wo vuswaho u ɔo hu vhona.

Ni ɔo ita mini zwino, zwenezwo-ha?

Farelelani kha tshandā tsha Mudzimu tshi sa  
 shanduki.  
 Farelelani kha tshandā tsha Mudzimu tshi sa  
 shanduki.  
 Fhațani fulufhelo ļaņu kha zwithu zwa U Ya  
 Nga Hu Sa Fheli,  
 Farelelani kha tshandā tsha Mudzimu tshi sa  
 shanduki.

<sup>184</sup> Khotsi wa Tađulu, zwanđa zwinzhi zwo ima, kha uno muțangano muțuku, madekwana a ņamusi, uri vha khou țoɔa u farelela, madekwana a ņamusi, kha tshandā Tshau tshi sa shanduki, tsha U Ya Nga Hu Sa Fheli. Vha tshi ɔivha uri zwo kumedzwaho Iwe. . . Wo ri, “Ndi. . . Vhoțhe vhe Khotsi vha

Nṅeya vhone vha ḑo ḑa kha Nṅe, nahone a hu na na muthihi wavho ane a ḑo xela. Huno Ndi ḑo vha vusa nga ḑuvha ḑa u fhedza. Vha nga si vhuye vha lovha, vha nga si ḑe khaṭhuloni, fhedzi vha na Vhu Sa Fheli, Vhutshilo Vhu Sa Fheli.” Huno hu tou vha na Vhutshilo Vhu Sa Fheli vhuthihi fhedzi. Uvho vhu bva ha Mudzimu, fhedzi. Ndi Mudzimu. Huno ri vha tshipiḑa tsha Mudzimu, lune ra vha vharwa na vhananyana vha Mudzimu. Musi ri na Muya wa Mudzimu ngomu hashu, ri elekanya sa Mudzimu. Ri elekanya zwivhuya na vhukhethwa, nahone ri lingedza u tshila lwa u Mu takadza.

<sup>185</sup> Tendela, Murena, uri uvho Vhutshilo ho raloho vhu dzhene kha muthu muṅwe na muṅwe o imisaho tshanḑa tshawe. Huno havho vhe vha vha vho tea u imisa zwandḑa zwavho, huno vha si ralo, ndi rabela uri U vhe navho. Zwi tendele, Khotsi. Huno musi lwendo lwo guma, vhutshilo ho fhela, ngavhe ri tshi dzhena kha mulalo nga ilo ḑuvha, Nae, hune a ri tsha ḑo aluwa, a ri tsha ḑo lwala, a hu tsha ḑo vha na khakhathi. U swika zwenezwo, ri dzudze ro takala nahone ri tshi pembela, ri tshi Mu renda, ngauri ri zwi humbela nga Dzina Lawe. Amen,

<sup>186</sup> Vhoinwi vhatendi noṭhe, zwino, kha ri imise zwandḑa zwashu huno ri imbe iyo khorasi.

Farelelani kha tshanḑa tsha Mudzimu tshi sa shanduki.

Farelelani kha tshanḑa tsha Mudzimu tshi sa shanduki.

Fhaṭani fulufhelo ḑaṅu kha zwithu zwa U Ya Nga Hu Sa Fheli,

Farelelani kha tshanḑa tsha Mudzimu tshi sa shanduki.

Zwino kha ri lu nuṅune. [Mukomana Branham u thoma u nuṅuna *Farelelani Kha Tshanḑa Tsha Mudzimu Tshi Sa Shanduki*—Mudz.]

<sup>187</sup> Musi ni tshi khou ita izwo, mudzulatsini waṅu; ni ri, “Mudzimu a ni fhaṭutshedze, mudzulatsini.” Khaḑanani na muṅwe muthu o dzulaho tsini haṅu. “Mudzimu a ni fhaṭutshedze.” Thungo dzoṭhe zwino. Thungo dzoṭhe, khaḑanani. “Mudzimu a ni fhaṭutshedze, mudzulatsini. Mudzimu a vhe na inwi.” Fhaṭani fulufhelo ḑaṅu kha zwithu zwa u ya Nga Hu Sa Fheli.

Dokotela, ndi a ḑivha uri zwi heneffho, murathu. Ndi a ḑivha uri ndi kale ni heneffho, Mukomana Neville, u bva kale.

Musi ulwu lwendo lwo no fhela,

Zwi khou ya u itea, liṅwe ḑa haya maḑuvha.

Arali kha Mudzimu ro vha vhangoho,

Ri ḑo vhona Mukomana Seward heneffho.

U penya na u penya, haya haḷu ngei Vhugalani,  
Muya waḅu wo vuswaho u ḁo hu vhona.

Farelelani kha tshandḁa tsha Mudzimu tshi sa  
shanduki.

Ndi a funa uho u losha, nga murahu ha mulaedza.

Farelelani kha tshandḁa tsha Mudzimu tshi sa  
shanduki.

Fhaḁani fulufhelo ḷaḅu kha zwithu zwa U Ya  
Nga Hu Sa Fheli,

Farelelani kha tshandḁa tsha Mudzimu tshi sa  
shanduki.

Tshifhinga tsho ḁadzwa nga tshanduko i sa  
lengi,

A hu na tsha ḷifhasi tshi sa sudzulusei tshine  
tsha ḁo ima,

Fhaḁani fulufhelo ḷaḅu kha zwithu zwa U Ya  
Nga Hu Sa Fheli,

Farelelani . . .

Kha ri Mu vhone, uyo A sa vhonali vhukati zwino, huno ni  
sokou Mu losha zwino musi ri tshi ralo u imba.

Farelelani kha tshandḁa tsha Mudzimu tshi sa  
shanduki.

Farelelani kha tshandḁa tsha Mudzimu tshi sa  
shanduki.

Fhaḁani fulufhelo ḷaḅu kha zwithu zwa U Ya  
Nga Hu Sa Fheli,

Farelelani kha tshandḁa tsha Mudzimu tshi sa  
shanduki.

Mulalo! Mulalo! Mulalo wa vhuḁi,

Itanu Mu losha zwino.

U tshi tsela fhasi . . .

Mulaedza wo fhela. Ndi u losha.

Swiela muyani washu lwa tshoḁhe, ndi a rabela,  
Kha gole ḷi sa kalei ḷa lufuno.

Itanu ḁamba Khae.

Mulalo! Mulalo! Mulalo wa vhuḁi,

U tshi tsa u tshi bva kha . . .

Tshiḷa Tshisima tshihulu, Tshi khou vuleya.

. . . nḁha;

Swiela muyani yashu lwa tshoḁhe, ndi a rabela,  
Kha gole ḷi sa kalei ḷa lufuno.

Izwo zwi a ita tshinwe tshithu?



Mulalo wa vhuḍi,  
 U tshi tsa u tshi bva kha Khotsi ngei Nṯha;  
 Swiela muyani yashu lwa tshoṯhe, ndi a rabela,  
 Kha gole ḷi sa kalei ḷa lufuno.

A hu na tshinwe tshithu malugana Nazwo, tsho andaho nahone tshi takadzaho?

<sup>188</sup> Ndi a ḍivhudzisa arali hu na muthu a lwalaho ane a ṯoḍa u ḍo liswa na u rabelelwa. Arali a hone, wanani fhethu haṅu. Hoyu ndi mufumakadzi kha wiḷitsheya hafho? Mu litsheni a sale heneffho. Ndi ḍo ḍa, nda mu rabelela. Ha nga tei uri a takuwe kha itsho tshidulo. Muṅwe?

Oo, naa a ni ralo u tou funa itshi tshipiḍa tsha tshumelo? Ndi vhangana vhane vha zwi pfa, vhane vha sokou ḍivha uri Vhuhone ha Mudzimu vhu fhanu? Ndi zwone zwe nda amba ngazwo. Uyo muthihi... Ni sokou pfa unga... Ndi vhangana vhane vha sokou pfa uri vha nga huwelela? Zwino kha ri vhone. Ni pfa unga tshinwe tshithu ngomu haṅu tshi khou ṯoḍa u huwelela. Ni a vhona?

Ndi mulalo! Mulalo! Mulalo wa vhuḍi,  
 U tshi tsela fhasi u bva ha Khotsi ngei Nṯha;  
 Swiela muya wanga lwa tshoṯhe, ndi a rabela,  
 Kha gole ḷi sa kalei ḷa lufuno.

Penyela kha nṅe,

<sup>189</sup> Musi ri tshe kha u losha, ri khou ya u ḍolisa vhalwadze zwino, na u vha rabelela. Naa ni ḍo ralo u ḍa nga iyi nḍila, mufumakadzi?

<sup>190</sup> Izwi zwi amba mini? “Thabelo ya lutendo i ḍo tshidza vhalwadze.” Muṅwe na muṅwe a kha thabelo zwino, itanu ṅununa ulwo luimbo. Elelwani Yesu a tshi khou fhodza vhalwadze.

Mu ḍolise nga mapfura...?...



*VHAHEVHERU, NDIMA YA U THOMA* TSV57-0821

(Hebrews, Chapter One)

BUGU YA MILAEDZA YA VHAHEVHERU

Hoyu Mulaedza nga Mukomana William Marrion Branham, u rangani wo  
newa nga Tshiisimane nga madekwana a Lavhuraru, Thangule 21, 1957,  
Thaberenakeleni ya Branham kha la Jeffersonville, Indiana, U.S.A., wo dzhiwa  
kha rekhodo ya theiphi ya maginete huno wa ganḁiswa u songo pfufhifhadzwa  
nga Tshiisimane. Heyi thalutshedzo ya Tshivenḁa yo ganḁiswa huno ya  
phaḁaladzwa nga vha Voice Of God Recordings.

TSHIVENDA

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndivhadzo ya nzivhanyedziso

Pfanelo dzothe dzo londolwa. Heyi bugu i nga di gandiswa nga tshigandisi tsha hayani u itela u shumiswa nga muthu ene mune kana uri i andadziwe, hu si na mbadelo, sa tshishumiswa tsha u phadaladza Mafhungo-madifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya talutshedzelwa kha dziwe nyambo, kana ya shumiswa kha u tutuwedza u hambela tshelede hu si na thendelo yo nwalihaho zwi khagala nga Voice Of God Recordings®.

U itela u divha zwinzhi kana u itela zwiwe zwishumiswa zwi wanalaho, kha vha kwame:

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)